

بِسْمِ اللَّهِ الرَّحْمَنِ الرَّحِيمِ

***“A ko govori ljepše od onoga koji poziva Allahu, koji  
dobra djela čini i koji govori: ‘Ja sam, doista, musliman!’ Sura Fussilet, ajet 33***

Informativni islamski časopis

# El-Asr

**Izdvajamo:**

***Budućnost muslimana na Zapadu***

***Iz života majke pravovjernih Aiše r.a.***

***Ponašanje muža prema ženi***

***Iskušenje Ejjuba alejhisselam***

***Opasne greške u odgoju djece***

***Zem-zem voda***



# Api Medal

- za jačanje imuniteta organizma
- za sportiste i veće fizičke napore
- protiv depresije, nervoze i stresa
- protiv upale grla, glasnica i desni
- za bolje pamćenje i koncentraciju
- kod odstranjene žučne kese
- za liječenje gastritisa
- protiv anemije
- protiv migrene
- za prostatu

Konzumiranje bilo kojeg od Api Medal proizvoda specijalno pripremljenih za pojedine bolesti ili potrebe kvalitetno zadovoljava i ostale navedene namjene. Široko područje djelovanja Api Medal proizvoda čini ih univerzalnim sredstvom protiv brojnih bolesti i tegoba.

**Proizvodnja meda i pčelinjih proizvoda**  
**[www.apimedal.com](http://www.apimedal.com)**  
**[kontakt@apimedal.com](mailto:kontakt@apimedal.com)**  
**Informacije i na telefone:**

**++387 35 264 137**  
**++ 387 61 169 181**  
**++31 62 949 4373 (za Holandiju)**

Današnji čovjek je u stalnoj žurbi i nedostatku vremena za zdravu ishranu, što je uzrokovalo narušena prehrabena načela. Upotreba industrijaliziranih prehrabnenih proizvoda i ishrana u nepravilnim vremenskim intervalima su rezultirali bolestima suvremenog doba.

Tražeci lijek za nastale zdravstvene tegobe čovjek sve češće koristi stvari koje se nude u prirodi, a prije svega proizvode iz pčelinje košnice: med, cvjetni prah, matičnu mliječ i propolis.

Proizvodi API Medal su pažljivo pripremljeni po provjerenim recepturama kao mješavine navedenih pčelinjih proizvoda. Njihova najveća prednost je prirodno porijeklo i izostavljanje dodataka šećera, umjetnih boja i konzervansa pri njihovoj izradi.





## Informativni islamski časopis "El-Asr"

### Izdavač

Stichting Hidžra

### Adresa

Pinksterbloem 64  
1441 RL Purmerend, Holandija

### Registracija

KvK Amsterdam 34185854

### Uplate

Rabo Bank 1427.67.425

### Glavi i odgovorni urednik

Ebu-Hamza

### Redakcija

S. Fazlić  
A. Šibonjić

### U ovom broju za El-Asr pišu:

Bilal Bosnić  
Hfz. mr. Muhammed Fadil Porča  
Mr. Safet Kuduzović  
Da'ija Sedin Gulamić

### Saradnici u ovom broju

Ummu Imad  
Ummu Sukejna  
Ummu Hamza

### Kontakti

Telefon: 06 269 78 398  
e-mail: biltenELAsr@msn.com

### Štampa

Štamparija "S" Zenica

### Narudžbe

biltenELAsr@msn.com  
www.jasnauputa.com

### Naslovna strana

Džamija Ferhadija, Banja-Luka, BiH

## U ovom broju

Budućnost muslimana na Zapadu	4
Iskušenje Ejuba alejhisselam	6
Dedždžal, II dio	8
Ahlak	10
Propisi dženaze, II dio	12
Tesbih namaz	14
Kako se šalio Poslanik sallallahu alejhi ve sellem	14
Hadis: Budi na dunjaluku stranac ili putnik	15
Ponašanje muža prema ženi	16
Iz života majke pravovjernih Aiše radijallahu anhumama	18
Opasne greške u odgoju djece	20
Početak i prvi period objave	21
Fluor - najveća naučna prevara 20-tog vijeka	23
Prepoznavanje sihirbaza	25
Podjela hadisa	26
Islamska država od Španije do Kine	28
Zem-zem voda	29
Nagradna igra	30
Naša kuhinja	30
Reklame	





## APEL ZA POMOĆ !!!

Ovim putem vas želimo obavijestiti da je potrebna pomoć bratu Turčinović Senaidu iz Zenice. Brat se nalazi u jako teškoj situaciji sa svojom porodicom. Osljepio je preko noći kada je imao svega 17 godina i trenutno živi u jako teškim okolnostima. Bratu je potrebno 5000 KM da bi izašao na ispitivanje u bilo koju bolnicu van Bosne. Ljekari koju su ga do sada pregledali nemogu da ustanove ništa tj. nema nikakvih oštećenja. Živi u svega 28m<sup>2</sup> sa svojom suprugom i troje djece. Mjesečna primanja im iznose svega 82 KM što nije dovoljno ni da se plate računi.

(Više informacija o ovom slučaju možete naći na [www.sadake.com](http://www.sadake.com) ili kod redakcije lista)

Allah dželle šanuhu kaže: "...i dobra djela činite, da biste postigli ono što želite." (El-Hadž, 77)

Ibn-Omer radiallahu anhu prenosi da je Allahov Poslanik, alejhisselam, rekao: "Musliman je brat muslimanu. Neće mu nasilje učiniti niti će dozvoliti da drugi nad njime nasilje čine. Ko pomogne svome bratu u nevolji, Allah će njemu pomoći u njegovoj nevolji. Ko otkloni nedaću jednog muslimana, Allah će njemu otkloniti jednu od njegovih nedaća na Sudnjem danu. A ko prekrije (sramote) jednog muslimana, Allah će prekriti njegove na Sudnjem danu. (Muttefekun alejhi)

# Budućnost muslimana na Zapadu

Bilal Bosnić

Hvala Allahu dželešanuhu, od Njega pomoć i oprost tražimo, kajemo Mu se i utječemo od zla naših duša i loših dijela. Koga Allah uputi, niko ga u zabludu odvesti ne može, a koga Allah u zabludi ostavi, niko ga na pravi put ne može uputiti. Svjedočim da nema drugog boga osim Allaha i da je Muhammed sallallahu alejhi ve sellem, Njegov rob i Njegov Poslanik. Kaže Uzvišeni u Svojoj Knjizi: „O vjernici, bojte se Allaha onako kako se treba bojati i umirite samo kao muslimani!“ (Ali-Imran 102)

Draga braćo i cijenjene sestre u Islamu, moramo se složiti da današnji muslimani prolaze kroz veoma teške trenutke, pa zbog toga, ako želimo pomoći prvenstveno sebe a zatim i naš umet, krajnje je vrijeme da se vratimo nepromjenjivim principima naše vjere, koji ostaju važeći do Sudnjega Dana, a nalaze se u Kur'anu, Sunnetu i praksi ispravnih predhodnika. Muslimani na Zapadu moraju shvatiti da njihova opstojnost i snaga leži u čvrstom držanju za izvorni Islam, kroz muslimanske zajednice i udruženja koja su zasnovana na principima Kur'ana i Suneta, te kroz shvatanje i praksu prvih generacija. Odazivajući se na taj način riječima Allaha dželešanuhu: „Svi se čvrsto Allahova užeta držite i nikako se ne razjedinjujte!“ (Ali-Imran

103) Poslanik sallallahu alejhi ve sellem kaže: „Ostavljam vam dvije stvari, ako ih se budete držali, nećete nikad zalutati: 'Allahova knjiga i moj sunnet, držite se kao kutnjacima čvrsto...'“ (bilježi Tirmizi) Ono što može biti od velike koristi da se ostvare obadvije Kur'ansko-Sunnetske naredbe, jeste da shvatimo

**Ebu-Se'id i Ebu Hurejre r.a. prenose da je Allahov Poslanik, sallallahu alejhi ve sellem, rekao:**  
**“Muslimana - vjernika - ne pogodi nikakva nedaća ili bolest, niti tuga ili žalost, niti bilo kakva nezgoda, čak ni i obični ubod trna, a da mu zbog toga Allah Uzvišeni ne oprostio dio njegovih grijeha.”**

**Muttefekun alejhi**

da moramo dati pravo onima kojima pripada, da surađujemo i potpomažemo se u dobru i bogobožnosti, da pomažemo potrebne, da se savjetujemo i međusobno posjećujemo. U slučaju da ne bude ovih načela među muslimanima i njihovim zajednicama ili udruženjima, može se desiti neželjena moda ili neukusan trend, koji je nažalost rasprostranjen danas među muslimanima cijelog dunjaluka, a zabranjena je jezikom našeg Poslanika sallallahu alejhi ve sellem kada je kazao: „Ne zavidite jedni drugima, ne varajte

jedni druge u trgovini, ne mrzite se, ne okrećite leđa jedni drugima, ne nadmećite se u kupoprodaji i budite Allahovi robovi, braća. Musliman je brat muslimanu, ne čini mu zulum, ne ostavlja ga na cjedilu, ne ponižava ga, takvaluk (bogobožnost) je ovdje (ukazujući na svoja prsa tri puta).“ (bilježi Muslim) Krajnje je vrijeme

da muslimani počnu crpiti poruke i pouke iz Kur'ana i Sunneta i da se ostave pokušeni natjecanja ili ostalih strogo zabranjenih stvari. Posebno muslimani Zapada moraju imati na umu jednu činjenicu, da se danas Zapad uzima za božanstvo mimo Uzvišenog Allaha, koje se ogleda kroz razne devize, luksuzne stanove ili auta, položaje itd. Kaže Uzvišeni: "O ljudi, Allahova prijetnja je zaista istina, pa neka vas

nikako život na ovom svijetu ne zaslijepi i neka vas šejtan u Allaha ne pokoleba!“ (Fatir 5) ) Rekao je Allahov Poslanik sallallahu alejhu ve sellem: „Zaista je dunjaluk sladak i zelen, Allah ga je potčinio vama, zato bojte se dunjaluka i bojte se žena, jer je prvo iskušenje sinova Israilovih bilo sa ženama“ (bilježi Muslim) Ovi ajeti i hadisi imaju za cilj da se prisjetimo i pobojimo Allaha dželešanuhu, a zatim u pozitivnom smjeru krenemo. Nakon našeg upoznavanja sa Islamom i sprovođenjem istog u praksi, od pozitivnih

smjerova su briga o našim porodicama, to jeste, onima koji su u našoj nadležnosti. Briga o njihovom islamskom vjerovanju, odgoju koji se sav proteže kroz Kur'an, Sunnet i praksu ispravnih predhodnika, posebno stavljajući akcenat na naše majke, sestre i supruge, davajući im prava koja im je islam zagarantovao, a ne zapadna civilizacija, kako bi nam pomogli u odgajanju naše djece koja su izazov za Zapad i plijen u miru. Sljedeći pozitivni smjer

se o g l e d a u omogućavanju dolaska islamskih misionara (Da'ija) na teren, druženje s njima, jer su oni nasljednici Allahovog Poslanika sallallahu alejhi ve sellem, koji od Poslanikova miraza, nose znanje s kojim nam osvjetljaju put do

Dženneta, sa Allahovom dozvolom. Kada pogledamo u našu stvarnost, vidimo da je zavladao nered na kopnu i moru, zbog neznanja koje hara ljudskim rodom. Rješenje za ovaj problem nalazi se u učenju naše vjere, od onih koji je poznaju i rade po onome što znaju. Rekao je Allahov Poslanik sallallahu alejhi ve sellem: „*Kome Allah želi dobro, poduči ga propisima vjere.*“ (Muttefekun alejh) Ovaj skromni tekst nema za cilj da ove savjete plasira na jednu adresu a druge izostavi, jer se današnji muslimani nalaze na jednoj lađi koja polahko tone. Zbog toga Poslanik sallallahu alejhi ve sellem kada savjetuje, onda nikoga ne izostavlja, pa kaže: "Vjera je

savjet!, ponovivši to tri puta, upitaše: 'Za koga, o Allahov Poslanice?, Poslanik, sallallahu alejhi ve sellem, odgovori: 'Od Allaha, Njegove Knjige, Njegova poslanika, vođama muslimana i svim običnim ljudima.'" (bilježi Muslim) Nema sumnje da ispravnim prilazom ovoj vjeri, shvatićemo još jedno veliko pravilo u Islamu nakon vjere u Allaha dželešanuhu, a to je naređivanje dobra i odvratanje od zla, drugim



Centralna Džamija u Londonu

riječima, pozivanje u Allahovu dželešanuhu vjeru. Na prvom mjestu, svojih najbližih koji su u osnovi u Islamu, ali su se udaljili od njega zbog mnogo stvari, a glavna je nepoznavanje ljepote koja se nalazi u ovoj vjeri, a zatim i onih koji nisu muslimani a nalaze se oko nas. Rekao je Uzvišeni: "Vi ste narod najbolji od svih koji su se ikada pojavili, tražite da se čine dobra djela a od nevaljalih odvrćate i u Allaha vjerujete." (Ali-Imran 110) U pogledu zadnjeg rečenog, Poslanik, sallallahu alejhi ve sellem, kaže: "Prenesite od mene, pa makar i jedan ajet...!" (bilježi Buharija), ili drugi hadis "Da Allah tvojim

sebeom uputi jednog čovjeka, bolje ti je od dunjaluka i svega što je na njemu." (bilježi Buhari)

Na kraju savjetujem braću i sestre u Islamu, svugdje a posebno na Zapadu, da se ukrase lijepim ponašanjem (ahlakom) u svojim kućama i javnim mjestima, kako bi na najljepši način bili ispravni predstavnici ove divne vjere koja se zove Islam. Rekao je Allahov Poslanik, sallallahu alejhi ve sellem,: "Zaista vi nećete pridobiti

ljude vašim imetcima, ali ćete ih pridobiti vašim osmjehom na licu i lijepim ponašanjem." (bilježi Ebu Jala, a Hakim ga je ocjenio sahihom) Ovim završavam ovaj skromni članak koji tretira budućnost muslimana na Zapadu. Ispravno u njemu je od Allaha Uzvišenog.

Ja samo želim da učinim dobra koliko mogu, a uspjeh je od Allaha. Ono što je pogrešno, to je od mene i molim Uzvišenog Gospodara dželešanuhu, da mi oprost. Ja nepravdam sebe, zaista duša navodi na zlo, osim one kojoj se moj Gospodar smiluje. Naša posljednja dova je: Hvala Allahu Gospodaru svih svjetova!



*O vjernici,  
tražite sebi  
pomoći u  
strpljivosti  
i  
obavljanju  
molitve!  
Allah je  
doista na  
strani  
strpljivih.*

El-Bekara  
153

# Iskušenje Ejjuba alejhisselam

Abdu-l-Munim El-Hašimijj

**Uzvišeni kaže: "I sjeti se roba Našeg Ejjuba kada je Gospodaru svome zavapio: 'Šejtan me na zlo navraća i misli lažne mi uliva!' - 'Udri nogom o zemlju - eto hladne vode za kupanje i piće!'" (Časni Kur'an, Sad 41-42)**

Historičari i mufessiri prenose brojne predaje o Ejjubu, a.s. On je Allahov poslanik i jedan od potomaka Ibrahima, a.s. Oženio se djevojkom koja je bila iz porodice Jusufa ibn Ja'kuba po imenu Rahma. Ona je bila poput njega: dobra i bogobojazna i zajedno je sa svojim mužem obožavala Allaha, dž.š., bila Mu zahvalna na blagodatima i nastojala da Mu se što više približi. Ejjub, a.s., je među ljudima bio poznat kao veoma strpljiv. Allah, dž.š., mu je podario veliku nafaku i olakšao mu sticanje imetka tako da je posjedovao čitavo jedno naselje u Damasku po imenu El-Busnije. To mjesto se nalazilo između Damaska i Ezruata i Ejjub, a.s., je posjedovao svu zemlju, brda i ravnice u njemu. U njegovoj vlasti su bila i plodna polja, vrtovi puni cvijeća, kuće i građevine. Po pašnjacima su pasle krave i ovce čija su vimena bila puna mlijeka. Torovi su bili prepuni steonih deva a poljem su jurili konji, mazge i magarci. Pored ovih nebrojenih blagodati, Allah, dž.š., mu je podario posebno dragu blagodat - brojne sinove i kćeri. Time mu je bilo upotpunjeno ono što je svaki čovjek želio da posjeduje na ovom svijetu kako bi mu život bio ugodan i sretan. Je li onda Ejjub, a.s., uzvratilo ružnim na ove blagodati i je li škrtario s njima, zaboravljajući sve ostalo? Istina je upravo suprotna tome. Ejjub, a.s., nije škrtario ni na sebi ni na svojoj djeci, šta više, nije volio gomilanje imetka. Iako je bio imućan, njegov imetak je prije ispunjavao potrebe drugih nego njegove. Dijelio je zekat, darove i poklone svima oko sebe. Prije bi nahranio svoje pomoćnike i slugu nego svoju djecu. Svako od njegovih radnika je imao obezbjeđenu kuću, pokućstvo i pomoć za ženidbu, a svaki pomoćnik veliku platu. Nikada ne bi jeo ukoliko je znao da negdje postoji neko gladan! Jezik mu nikada nije prestajao sa spominjanjem, hvaljenjem i slavljenjem Allaha, dž.š., i neprestano je razmišljao o Njemu. Ljudi su pričali o Ejjubovoj dobroti i stalno su molili za njega. Svi su ga voljeli i bili mu odani. Također, i melec, stanovnici nebesa, spominjali su ga samo po dobru. Sve ove silne pohvale naljutiše prokletog šejtana Iblisa, jer on se bio zakleo da će zavesti čitav ljudski rod te ga je radi toga Allah, dž.š., protjerao iz Dženneta. Tada je on, prokletnik, izgovorio svoje poznate riječi : *'Gospodaru! Radi toga što si me ostavio u zabludi i protjerao iz Dženneta ja ću uljepšati Ademovim potomcima činjenje grijeha i sve ću ih u stranputicu odvesti.'* On još doda : *'Osim Tvojih iskrenih robova.'* A Ejjub je bio od iskrenih robova. Ejjubovo iskušenje je poznato i ogledalo se u teškoj bolesti koja ga

je zadesila. Evo kako se to dogodilo: Jednog dana melec, koji su bili na Zemlji, su razgovarali, te neko od njih reče: *'Ne postoji danas na Zemlji niko bolji od Ejjuba. Njegov iman je najveći, najviše čini ibadet Allahu, dž.š., zahvaljuje je Mu na blagodatima i poziva u Islam.'* Kada je to čuo Iblis, naljuti se, te odleti do Ejjuba i pokuša da ga zavede, ali Ejjubovo srce osta i dalje odano Allahu, dž.š., i puno ljubavi prema Njemu Uzvišenom. Ejjub, a.s., je sa svojom vjerom izgledao poput tvrđave, te šejtan nije mogao da mu naudi svojim došaptavanjima i navođenjem na loše misli, niti je mogao da ga zavara njegovim imetkom kao što je to slučaj sa ostalim bogatašima, niti da ga navede na ono na što je naveo one poput njega. Zatim pokuša da ga zavede preko ljudskih šejtana i podstakne na činjenje grijeha, ali srce Ejjuba, a.s., je i dalje bilo ispunjeno bogobojaznošću i čistotom, te im se ne odazva. On je bio čvrst i odan vjernik, te ne htjede ni da sasluša ono u šta su ga pozvali. Njegovo uživanje ogledalo se u mnogim stvarima kao naprimjer: briga o siročadima, pomoć siromašnim hudovicama, pomoć siromasima i starcima koje je starost učinila nemoćnim. Kada bi ih pomagao, osjećao je neizmjernu sreću i radovao bi se kada se oni raduju. Zatim bi se zahvaljivao Allahu, dž.š., na ovoj sreći koju mu je podario. Prođe mnogo vremena, a Iblis nije uspio da realizira svoj cilj, da potčini sebi Ejjuba, a.s., Kada je šejtan izgubio svaku nadu da će uspjeti zavesti Ejjuba, a.s., on reče Allahu, dž.š.: *"Gospodaru! Tvoj rob Ejjub koji Te obožava i veliča, ne obožava Te iz ljubavi nego iz dunjalučkih ciljeva. Obožava Te samo radi imetka i sinova koje Si mu podario i radi stoke o posjeda koji njemu pripadaju. On želi da mu sačuvaš imetak, bogatstvo i sinove i izgleda da je sreća koju on pokazuje prilikom ibadeta, ustvari, sreća radi blagodati koje su mu podarene. On se samo boji da mu ne nestane tih blagodati i da ih ne izgubi. Znači njegov se ibadet sastoji iz straha i nade u kojima su pomiješane strah i pohlepa. Nije to iskreno obožavanje, niti istinska ljubav."* U istoj predaji se navodi da je Allah, dž.š., rekao Iblisu: *"Ejjub je Moj rob, vjernik, iskrenog imana. On će biti svjetlo u vjeri i primjer strpljivosti. Dozvoljavam ti da uradiš sa njegovim imetkom i posjedima šta god hoćeš, a zatim pogledaj šta ce se dogoditi."* Šejtani krenuše i kad dođoše na Ejjubove posjede i polja sve redom porušiše i uništiše. Iznenada, Ejjub, a.s., se od bogataša pretvori u pukog siromaha. Šejtan sačeka da vidi šta će uraditi. Međutim, on samo reče: *"Allahov dar kojeg je ponovo uzeo. I ono što nam je bilo povjereno na čuvanje, pa je vraćeno Njemu. Jedno vrijeme smo uživali u tim blagodatima i hvala Allahu, dž.š., koji nam je to podario i sada je to uzeo. Hvala Mu i kad daje i kad uzima, i kad je zadovoljan i srdit na nas i kada nam korist ili štetu određuje. On posjeduje svu vlast i daje vlast onome kome*



*On hoće i oduzima je onome kome On hoće. On štetu određuje kome hoće i ponižava koga hoće.*" Ejjub, a.s., zatim pade na sedždu Allahu, dž.š., što Iblisa veoma iznenadi i ponizi. On, proklet neka je, ponovo reče Allahu, dž.š.,: *"Gospodaru ! Ako Ejjub ne uzvraća na blagodati osim sa zahvalom i nedaće osim sa strpljenjem to je radi toga što si mu podario brojne sinove. On želi da se njima pomogne i da pomoću njih povrati svoj imetak."* U predaji dalje stoji: *"Allah, dž.š., je dozvolio šejtanu da uradi sa Ejjubovim potomcima što god hoće..."* Šejtani dođoše u kuću u kojoj su stanovali i sve ih pobiše. Tada Ejjub reče: *"Allah mi ih je podario i On je taj koji mi ih je uzeo. Njemu hvala i kad daje i kada uzima, kada je zadovoljan i srdit na nas i kada nam korist ili štetu određuje."* On zatim pade na sedždu Allahu, dž.š., i ponovo iznenadi Iblisa i ponizi ga. Prokleti Iblis opet zamoli Allaha, dž.š., i reče mu: *"Ejjub se strpio samo radi toga jer je zdrav i snažan. Gospodaru, ako mi daš vlast nad njegovim tijelom, izgubit će svoje strpljenje."* U predaji stoji da je Allah, dž.š., dozvolio Iblisu da uradi sa Ejjubovim tijelom što god hoće. On ga prokletnik udari svugdje od glave do nogu, te Ejjub, a.s., oboli od kožne bolesti, meso mu poče otpadati od kostiju i gnojiti se. Porodica i drugovi ga napustiše i sa njim osta samo njegova žena. Međutim, Ejjub, a.s., i dalje osta strpljiv i zahvalan Allahu, dž.š. Zahvaljivao mu je na danima koje je proveo u zdravlju i danima koje provodi u bolesti i u oba slučaja mu je bio zahvalan. Prodoše dani i mjeseci, a stanje Ejjuba, a.s., se samo pogorša. Više nije mogao ni stajati niti sjediti i niko mu se nije mogao približiti usljed smrada koji se širio iz njegovih rana. Ljudi ga počеше zaobilaziti i izbjegavati i prestadoše mu dolaziti u posjetu. Ni njegova porodica više nije stanovala u njegovoj blizini, jedino ga je njegova žena služila i ispunjavala mu potrebe. Zatim obznani njegova porodica da ga se odriče. Rahmi, Ejjubovoj ženi, ne preosta ništa drugo nego da mu sagradi kolibu van grada i da ga tamo premjesti. Ejjub, koji je posjedovao toliki imetak i stanovao u dvoricima, sada se nastani u kolibi pokraj puta. I pored toga, ljudi ga ne ostaviše na miru nego su, kada bi prolazili pored njega pokazivali prezrenost i gađenje prema njemu. Govorili bi: *"Da je njegov Gospodar imao ikakve potrebe za njim ne bi sa njim ovo uradio."* Tako je Ejjub, a.s., iz godine u godinu ležao u svojoj kolibi potpuno nepokretan. Jedino se micao njegov jezik koji je gotovo nečujno izgovarao Allahovom, dž.š., ime. Rahma je radila kao služavka kod ljudi kako bi sebi i Ejjubu pribavila novac za hranu. Dolazila bi mu pred kraj dana noseći ono što je sakupila pa bi ga hranila i pojila. Noć bi provodila kod njega, a po danu bi se vraćala na svoj posao. Ali, ovo ne potraja dugo jer ljudi otpustiše Rahmu zato što je služila bolesnog Ejjuba, a.s.. Rahma, osta bez posla i svi načini zarade se prekinuše. Ona razmisli i odluči da slijedeći dan ode na pijacu koja se nalazila van grada. Kada stiže na pijacu ona se zaputi u dio gdje su se prodavale ženske stvari. Ona otvori svoj zavežljaj drhtave ruke i sjede sa

ostalim ženama da prodaje. Njezina roba je bila pletenica napravljena od dugih zlatnih niti, koje su do jučer sačinjavale pola njezine kose. Ona to prodade, uze novac, kupi hranu i piće i vrati se u kolibu kod svog muža kako bi ga nahranila i napojila, a bila je, uistinu, dobra prema njemu. Slijedeće sedmice ona proda ostatak svoje kose i nakon što potroši novac koji je dobila za to nije imala više ništa što bi prodala. Ejjub, a.s., je i dalje bio uporan i čvrst i šejtan izgubi svaku nadu da će ga zvesti, te ode Rahmi i napuni joj srce očajem. Ona ode do Ejjuba i reče mu: *"Dokle će te Allah ovako kažnjavati? Gdje su imetak, djeca, poznanici i prijatelji? Gdje je tvoja prijašnja snaga i mladost! Zašto ne zamoliš Allaha da otkloni od tebe ovu nesreću?"* Ejjub, a.s., je upita: *"Koliko godina smo proveli u blagostanju?"* Ona mu odgovori: *"Osamdeset godina."* Ejjub, a.s., je ponovo upita: *"Koliko smo proveli u iskušenju i bolesti?"* Ona odgovori: *"Sedam godina."* Ejjub, a.s., reče: *"Stidim se da tražim od Allaha da otkloni od mene nevolju a još nisam napunio onoliko godina koje sam proveo u blagostanju. O, Rahma! Tvoj iman je počeo da slabi i srce ti je nezadovoljno Allahovom odredbom. Ako ozdravim i vrati mi se snaga, išibat ću te stotinu puta štapom. Od danas mi je zabranjeno da jedem i pijem iz tvoje ruke i da ti bilo šta naredim. Idi od mene."* Ona ode od njega, a Ejjub, a.s., osta sam, nepokretan i strpljiv, podnoseći ono što ni brda ne bi mogla podnijeti. Napokon, Ejjub, a.s., zamoli ponizno svoga Gospodara da ga izliječi. Ejjub a.s. je učinio sledeću dovu: ***"Mene je nevolja snašla, a Ti si od milostivih Najmilostiviji!"*** (El-Enbija, 83) Ubrzo je došao odgovor od Allaha, dž.š., i Ejjubu bi objavljeno: ***"Udri nogom o zemlju - eto hladne vode za kupanje i piće!"*** (Sad, 42) Ejjub, a.s., svojom slabašnom nogom udari o zemlju kao što mu je Allah naredio i potekoše izvori pitke, čiste i hladne vode. Ejjub se okupa sa jednog od tih izvora koje je Allah učinio da provru, kad mu bolesna koža posta zdrava, čista i lijepa. Zatim se napi vode sa drugog izvora i odjednom osjeti kako mu se vraća zdravlje i snaga. To je bilo jedno od čuda Allaha, dž.š., Svemoćnog i Onog koji kada nečemu kaže : - Budi - ono biva. Ejjub, kome se zdravlje i ljepota vratiše u jednom trenutku Allahovom voljom sjede i zahvali se Allahu na iskušenju i blagodatima koje mu je podario. On se bio zakleo da će udariti svoju ženu stotinu puta štapom ukoliko ozdravi, i evo sad je ozdravio. Allah, dž.š., koji je znao da Ejjub nije želio udariti svoju ženu, naredi mu da načini snop od stotinu stabljika i da njima odjednom udari ženu kako ne bi odustao od svoje zakletve, niti slagao. Neka se Allah smiluje svome strpljivom robu Ejjubu, a.s. : ***"I uzmi rukom svojom snop i njime udari, samo zakletvu ne prekrši ! Mi smo znali da je on izdržljiv, divan je rob on bio i mnogo se kajao!"*** (Sad, 44)

## Dedždžal, II dio

**"Ne daj da ti srce bude kao spužva koja kupi svaku ideju i sumnjiv dokaz, koji ti padne na pamet, već radije gledaj da bude kao staklo koje propušta sumnjive ideje i dokaze ali ih ne zadržava, jer inače će se sve te sumnjive ideje i dokazi nastaniti u tvom srcu i preplaviće ga."**

**Šejhul Islam ibn Tejmije rahmetullahi alejhi**

Bilježi Muslim rahmetullahi alejhi, od En-newasa ibni Semana, r.a., da kaže: "Spominjao je Poslanik sallallahu alejhi ve sellem, jednoga jutro Dedždžala, spuštajući i dižući svoj glas, tako da smo pomislili da je Dedždžal negdje između palmi. Pa kad smo otišli ka njemu, on je spoznao to u nama, rekavši: "Šta vam je?" Mi rekosmo: "O, Allahov Poslaniče! Spominjao si Dedždžala jutros, pa si spuštao i dizao svoj glas, tako da smo pomislili da je on negdje između palmi." Poslanik, sallallahu alejhi ve sellem, reče: "Nešto drugo osim Dedždžala me zabrinjavalo zbog vas, ako izađe a ja među vama, onda ću ja biti dostatan protiv njega umjesto vas, a ako izađe, a ja nisam među vama, tada će se svaki čovjek pobrinuti o sebi, a Allah ostaje Pazitelj poslije mene na svakog muslimana. Dedždžal je mladić jako kovrdžave kose, jedno od njegovih očiju je ugašeno, sličan je Uzza ibni Katanu, pa ko ga od vas bude doživio, neka prouči početke sure El-Kehf. On će izaći na jednom putu između Šama i Iraka, i kretati će se desno i lijevo, šireći svoj fesad. Stoga, o Allahovi robovi, budite čvrsti! " Rekosmo: " O Allahov Poslaniče, a koliko će on boraviti na zemlji?" Poslanik, sallallahu alejhi ve sellem, reče: "Četrdeset dana, jedan dan kao godinu dana, a jedan dan kao mjesec dana, a jedan dan kao sedmicu dana, a ostali dani

poput vaših dana..." A to znači da će sve ukupno boraviti godinu dana i dva i pol mjeseca. Gledajte, draga braćo, na razliku između nas i ashaba, r.a., kad su oni čuli ovu vijest nisu se pozabavali brojanjem dana boravka Dedždžala, nego su pitali Poslanika, sallallahu alejhi ve sellem: "O Allahov Poslaniče, taj dan, koji je kao godinu dana, hoće li nam biti u njemu dostatan namaz jednog običnog dana?" A Poslanik, sallallahu alejhi ve sellem, je na to odgovorio: "Ne, nego ćete udovoljiti taj dan namazom onoliko koliko zavređuje." Samo Allah, dž.š., zna koliko taj dan istinski zavređuje, i On će nam omogućiti udovoljavanje tome danu od namaza kako On hoće. Iz ovoga hadisa alimi su izvukli jednu važnu fikhsku korist, a tu korist ćemo spomenuti da bi ukazali kako se naši alimi razilaze, pa neki raspoznaju značenje i razumiju ga, a drugi ne raspoznaju njeno značenje, i usljed toga griješe. Upitan je jedan učenjak, o jednome mjestu gdje se ne može raspoznati vrijeme akšama i jacije, jer crvenilo koje treba da nestane ukazujući time da je nastupilo vrijeme jacije, se zadržava na nebesima do zore. Šta da se radi u tom slučaju? A on odgovori: "Nemojte klanjati jaciju, jer je to u istom mjerilu sa onim kome je amputirana ruka ili noga. Kad uzima abdest ne može ih oprati jer ih nema." "Mi rekosmo, o Allahov

Poslaniče, kakvom brzinom će se on kretati po zemlji?" A Poslanik, sallallahu alejhi ve sellem, reče: "Kao kiša koju vjetar tjera, pa će doći jednom narodu i pozvaće ih, pa će povjerovati u njega i odazvat će mu se, a on će narediti nebu, i ono će kišu liti, i zemlji, i ona će plodove dati, a njihova stada će im se vratiti sa paše dajući više mlijeka, i široka struka..." Kad dođe Dedždžal, neki ljudi će biti zavedeni tim sposobnostima koje je Allah, dž.š., dao njemu, i pomisliće da je on Bog, jer će narediti da se kiša spusti sa nebesa, da iz zemlje niknu plodovi i biljke i da mrtvi ožive, pa će ga slijediti. A i oni koji znaju da je on lažac slijedit će ga, iz lične koristi i materijalne dobiti, jer ti ljudi daju prednost dunjaluku, naspram Ahireta. A to je glavni razlog što mnogo ljudi odbija vjerovati. Primjer ovoga jeste bizantijski car Herkul. On je znao da će se pojaviti Poslanik, ali nije vjerovao da će biti među Arapima. I rekao je: "Da sam siguran da mu mogu biti iskren, radovao bih se susretu sa njim, a da sam kod njega, oprao bih mu noge i popio bih tu vodu." Ali ipak je ostao nevjernik, jer se bojao nestanka svoje vlasti i moći. "...A zatim će doći narodu, pozvat će ih, a oni će odbiti njegov poziv, pa će otići od njih, a oni će postati siromašni, i u njihovim rukama neće ostati ništa od njihovog imetka, i proći će on pored ruševine, pa će joj reći: "Izbaci svoja blaga, pa će ga njezina blaga slijediti poput roja



pčela, a zatim će pozvati jednoga čovjeka punog mladosti i sabljom će ga udariti, pa će ga prepoloviti. A te polovine će se udaljiti jedna od druge na razdaljinu koja je između strijelca i njegove mete, a potom će ga zvati, a on će doći nasmijana i vesela lica..." Naravno, ljudi kad vide to, vjerovat će da je on Bog. Nemojmo se čuditi takvim ljudima, koji za običnog čovjeka koji jede, pije, hoda, ide u zahod, vjeruju da je on Bog. Kršćani koji su danas dostigli takav stepen civilizacije i znanja, vjeruju da je Isa a.s., Bog. Bilježi Imam ibni Madže, rahimullahi alejhi, sa sahih s e n e d o m o d E b u Umame, r.a., da je Poslanik, sallallahu alejhi ve sellem, obavijestio da će doći Dedždžal jednom beduinu u pustinji i reći

**Medina će se zatresti tri puta, a Allah će iz nje protjerati svakog nevjernika i munafika**

mu: "Šta misliš ako ti budem oživio roditelje, da li ćeš povjerovati u mene?" Beduin će mu odgovoriti: "Da." Pa će narediti džinima koji vjeruju u njega, da se pretvore u lik njegovog oca i majke i obratit će mu se: O, sinčiću, vjeruj u njega (Dedždžala), on je tvoj gospodar." I to je jedan od vidova lukavstva džina, koji žele ovom ummetu da učini širk. O ovome su dosta pisali naši učenjaci, poput šejhul-islami Ibni Tejmije. Uči će Dedždžal u svako mjesto na dunjaluku, osim u Mekku i Medinu. Zabilježio je imam Buhari, rahmetullahi alejhi, hadis od Ebu Bekrete, r.a., da je Poslanik, sallallahu alejhi ve sellem, rekao: "Neće Dedždžal ući u Mekku i Medinu." Kao i u drugom

hadisu od Enesa ibni Malika, r.a., Poslanik, sallallahu alejhi ve sellem, je rekao: "Doći će Dedždžal do same granice Medine." A u drugim rivajetima stoji da će Dedždžal stajati na rubovima Medine i pitat će: "Čiji je onaj bijeli dvorac?" Odgovorit će mu: "To je Muhammedov dvorac." "Medina će se zatresti tri puta, a Allah će iz nje protjerati svakog nevjernika i munafika." Bilježi imam Ahmed, rahmetullahi alejhi, na kraju svoga rivajeta za koji kaže Ibn Kesir, rahmetullahi alejhi, da je ispravan: "I toga dana, od onih koji će izaći iz Medine ka Dedždžalu, biće najviše žena." Imam Ahmed dalje

opisuje da će toga dana ljudi tražiti svoje majke, sestre i kćerke da se ne bi povele i otišle za Dedždžalom. Imam Muslim, je zabilježio u svome Sahihu od Ebu Seid El Hudri r.a., da je Poslanik, sallallahu alejhi ve sellem, rekao: "Izaći će Dedždžal, a k njemu će se uputiti jedan od najboljih mu'mina, stanovnika zemlje toga vremena. Pa će ga susresti Dedždžalovi naoružani ljudi, i upitat će ga: "Kuda ideš?" Odgovorit će im: "Idem ka onome koji je izašao." "Zar ti ne vjeruješ u našeg gospodara?" - upitaše ga oni. "U našeg Gospodara nema ništa skrivenog" - reče ovaj mu'min. A oni će reći: "Ubijte ga!" Zatim će jedni drugima reći: "Zar vam nije vas gospodar zabranio da ikoga ubijate, prije negoli

ga dovedete pred njega?" I povest će ga ka Dedždžalu. A kada ga pogleda, mu'min će reći: "O ljudi, to je taj Dedždžal kojeg je spominjao Poslanik, sallallahu alejhi ve sellem." Tada će Dedždžal narediti da mu rasijeku glavu po sredini i da ga žestoko pođu udarati po stomaku i leđima. Upitat će ga Dedždžal: "Zar ne vjeruje u mene?" A mu'min će odgovoriti: "Ti si lažni mesija." Potom će se narediti da ga presijeku pilom od sredine glave do nogu, pa će šetajući Dedždžal između te dvije polovine, reći mu'minu: "Ustani." A on će se ispraviti. Upitat će ga Dedždžal: "Da li vjeruješ u mene?" - a mu'min će odgovoriti: "Samo mi se povećala spoznaja o tebi." I zatim kaže: "O ljudi, on više neće moći raditi tako nešto ni s kim od ljudi, poslije mene." Pa će ga Dedždžal voditi da ga zakolje. A Allah će stvoriti između njegovog vrata i ključne kosti bakreni oklop, pa neće moći. I uzeće ga za ruke i noge i bacit će ga, a ljudi će pomisliti da ga je bacio u vatru, a on je zapravo bačen u Džennet. Onda je rekao Poslanik, sallallahu alejhi ve sellem, "Ovaj je najvećeg šehadeta od svih ljudi, kod Gospodara svjetova."

**Abdullah ibn Mes'ud radiallahu anhu kazuje: Jednom mi je Allahov Poslanik sallallahu alejhi ve sellem rekao: "Uči mu Kur'an!" Ja sam na to rekao: "Da ti učim Kur'an a on ti je objavljen" On mi potom reče: "Volim da ga slušam od drugoga." Zatim sam počeo učiti suru En-Nisa, dok nisam došao do ajeta: «A šta će, tek, biti kada dovedemo svjedoka iz svakog naroda, a tebe dovedemo kao svjedoka protiv ovih.» Tada mi je rekao: "Dosta!" Okrenuo sam se prema njemu i ugledao ga sa očima punim suza."**

**(Muttefekun alejhi)**



# Ahlak

Da'ija Sedin Gulamić

Džabir, radijallahu 'anhum prenosi da je Allahov Poslanik, alejhisselam rekao: *Zaista su mi od vas najdraži i sjedit će najbliže meni na Sudnjem Danu oni koji su naljepže čudi. A zaista su mi najmrži od vas i biće najudaljeniji od mene na Sudnjem danu, nametljivi govornici i oni koji se samodopadno prenemažu u svom govoru, oholo pokušavajući da istaknu svoju*



*stručnost i govorljivost i oni koji pričaju ispunjenih i razvučenih usta, diveći se svome govoru i uzdižući se nad drugima. Ashabi rekoše: Allahov Poslaniče, znamo ko su serseri i muteseddici (nametljivi govornici i oni koji se prenemažu u govoru), ali ko su mufefehici? On im reče: - To su uobražnjaci koji sebe uzdižu nad ostalim. (Tirmizi, Hasen)*

Zahvala pripada Uzvišenom Allahu, Gospodaru svih svjetova, naka je salavat na Njegovu Poslanika Muhammeda, sallallahu alejhi ve selleme, njegovu porodicu, njegove ashabe i sve one koji su ih slijedili i koji će ih slijediti do Sudnjega Dana!

## Jezičko značenje

Riječ **ahlak** je množina od riječi „**huluk**“ i u arapskom ima nekoliko značenja od kojih su najvažniji: moral, čud, narav, prirodne osobine i karakter.

## Definicija

Imam Kurtubi je rekao: „Ahlak je skup osobina čovjekapomoću kojih ostvaruje kontakt sa drugim ljudima, one mogu biti pohvalne i pokuđene. Pohvalne osobine su: praštanje, blagost, plemenitost, darežljivost, strpljivost, izdržljivost prilikom nedaća, samilost, ljubaznost u ukazivanju pomoći itd. A u pokuđene osobine ubrajaju se njihove suprotnosti.“ (Ibn Hadžer el-Eskalani, Fethul Bari, deseta knjiga, 456 stranica)

## Značaj nauke o ahlaku

1. Ahlak je sastavni dio imana

Pitanje lijepog ponašanja je tema o kojoj se mora uvijek govoriti i na nju upozoravati, jer je lijepo ponašanje dio imana. Ibn Omer, radijallahu anhum, prenosi da je Allahov Poslanik, sallallahu alejhi ve

selleme, prošao pored jednog ensarije dok je ovaj savjetovao svog brata o stidu, pa je Allahov Poslanik, sallallahu alejhi ve selleme, rekao: „Pusti ga, zaista je stid dio imana.“ (Buharija i Muslim) Ebu Hurejre, radijallahu anhum, prenosi da je Allahov Poslanik, sallallahu alejhi ve selleme, rekao: „Sa najpotpunijim imanom su oni vjernici koji su najljepšeg ponašanja, a najbolji među vama su oni koji su dobri prema svojim ženama“ (Tirmizija, hasen-sahih)

2. Jedna od zadaća islama je izgradnja moralne ličnosti

Allahov Poslanik, sallallahu alejhi ve selleme, je rekao: „Zaista sam poslat da upotpunim plemenite osobine (ahlak kod ljudi).“ (Ahmed, Hakim, Bejheki, sahih)

3) Najbolji ljudi su oni sa najljepšim ponašanjem (ahlakom)

Allahov Poslanik, sallallahu alejhi ve selleme, je rekao: „Zaista su najbolji ljudi od vas oni sa najboljim ahlakom.“ (Buharija i Muslim)

4. Allahov Poslanik, sallallahu alejhi ve selleme, je bio najljepšeg ahlaka

Uzvišeni Allah kaže u Svojoj Knjizi: „**Jer ti si zaista najljepšeg ahlaka.**“ (El-Kalem 4)

“**Vi u Allahovom Poslaniku imate divan uzor za onoga**

**koji se nada Allahovoj milosti i nagradi na onome svijetu, i koji često Allaha spominje.**“ (El-Ahzab 21)

5. Lijep ahlak je ono što će ljudima koristiti na Sudnjeme Danu kad se budu vagala djela. Ko se okiti ovim pohvalnim svojstvom u svom životu, neka zna za hadis Allahovog Poslanika, sallallahu alejhi ve selleme:

Prenosi se od Ebu Derda'a, radijallahu anhum, da je Allahov Poslanik, sallallahu alejhi ve selleme, je rekao: „Nijedna stvar neće biti teža na Sudnjeme Danu, na mizanu (vagi) vjernika, od lijepog ahlaka. Zaista Uzvišeni Allah mrzi bezobrazne brbljivce.“ (Tirmizija hasen-sahih)

6. Lijep ahlak je put ka dostizanju stepena klanjača i postača nafile. To je prilika i način kako možemo dostići sevabe koje su zaradili oni vjernici koji su klanjali i postili nafilu žudeći za nagradom Svemoćnog.

Ajša, radijallahu anhuma, prenosi da je čula Allahovog Poslanika, sallallahu alejhi ve selleme, kako kaže: „Zaista vjernik sa ljepotom svoga ponašanja dostiže stepen postača i klanjača.“ (Ebu Davud, sahih)

7. Lijep ahlak će biti razlog ulaska u Džennet.

Ebu Hurejre, radijallahu anhum, prenosi da je Allahov Poslanik, sallallahu alejhi ve



selleme, upitan o onome što će ljude najviše uvesti u Džennet, pa je Allahov Poslanik, sallallahu alejhi ve selleme, odgovorio: „Bogobožnost i lijep ahlak.“ a potom je upitan šta će ljude najviše uvesti u Džehennem, pa je odgovorio: „Usta i spolni organ.“ (Tirmizija hasen-sahih)

8. Lijep ahlak je razlog pridobijanja posebne nagrade koja se sastoji od ljubavi i zbliženosti sa Allahovim Poslanikom, sallallahu alejhi ve selleme, na Sudnjeme Danu

Džabir, radijallahu anhum, prenosi da je Allahov Poslanik, sallallahu alejhi ve selleme, rekao: „Zaista su mi od vas najdraži i sjedit će najbliže meni na Sudnjeme Danu, oni koji su najljepšeg ahlaka. A zaista su mi najmrži od vas i najjudaljeniji od mene sa mjestom gdje će sjediti na Sudnjeme Danu, jesu brbljivci, oholi, govornici i samodopadni koji prenemažu u govoru.“ (Tirmizija, hasen)

#### Adabi ponašanja prema Uzvišenom Allahu

1. Zahvaljivati mu na blagodatima

Musliman uvijek treba imati na umu bezbrojne blagodati i darove, milost kojom ga Uzvišeni Allah obasipa od momenta začeca u utrobi svoje majku, pa sve dok se ne susretne sa svojim Uzvišenim Gospodarom. Zato se Njemu svojim jezikom treba zahvaljivati, slaviti Ga, veličati Ga, hvaliti Ga kako

samo Njemu dolikuje i sve organe svoga tijela staviti u službu poslušnosti i pokornosti Njemu. Znaj da kaže Uzvišeni: „Od Allaha je svaka blagodat koju uživate, a čim vas nevolja kakva zadesi, opet od njega glasno pomoć tražite.“ (En-Nahl 53) „Ako vi budete brojali Allahove blagodati, nećete ih nabrojati, - Allah, uistinu, prašta i samilostan je.“ (En-Nahl 18) „Sjećajte se vi Mene, i Ja ću se vas sjetiti, i zahvaljujte Mi, i na blagodatima Mojim nemojte neblagodarni biti!“ (El-Bekara 153)



**Džamija Petnica—Bihor, Sandžak**

2. Stiditi se Allaha

Musliman vodi računa o tome, da njegov Gospodar u svakom momentu zna za sve o njemu i stanjima kroz koja prolazi, tako da mu se srce ispunjava strahopoštovanjem, a duša osjećajem dostojanstva i poštovanja prema Njemu, pa ga je stid biti Mu nepokoran, proturječiti Mu i izlaziti iz okvira poslušnosti. Musliman je svjestan, da je nepristojno, da rob u prisustvu svoga Gospodara i kad ga On vidi, da Mu uzvraća naposlusnošću, sa


nevaljalim djelima i ružnim postupcima. Znaj da Uzvišeni kaže: „Šta vam je, zašto se Allahove sile ne bojite, a On vas postepeno stvara?!“ (Nuh 13-14) „Allah zna šta tajite, a šta javno iznosite.“ (En-Nahl 19) „Što god ti važno činio, i što god iz Kur'ana kazivao, i kakav god vi posao radili, Mi nad vama bdijemo dok god se time zanimате. Gospodaru tvome ništa nije skriveno ni na Zemlji ni na nebu, ni koliko trun jedan, i ne postoji ništa, ni manje ni veće od toga, što nije u Knjizi jasnoj.“ (Junus 61)

3. Predati se Allahu

Sve što musliman više razmišlja o Uzvišenom Allahu, sve više uviđa da je njegov Gospodar nad njim Svemoćan, da od Njega ne može pobjeći, da mu bez Njegove pomoći nema spasa i izlaza. Već treba da od Njega

pobjegne Njemu, pred Njim padne na sedždu, svoje pitanje preda Njemu i pouzda se u Njega. Znaj da Uzvišeni kaže: „... Nema nijednog živog bića koje nije u vlasti Njegovoj; Gospodar moj zaista postupa pravedno.“ (Hud 56) „Zato požurite Allahu, ja sam vam od Njega da vas javno upozorim.“ (Ed-Darijat) „...a u Allaha se pouzdajte, ako ste vjernici!“ (El-Maida 23)

Molim Uzvišenog Allaha da očisti naše nijete, popravi i primi naša dijela, uputi nas na pravi put i da se okoristimo od ovog!!!



**"Ebu Hurejre, potrudi se da imaš lijep ahlak." Ebu Hurejre upita: "A šta je to Allahov Poslaniče?" On reče: "Da održavaš vezu s onim ko je prekinuo s tobom, oprostiš onom ko ti je nepravdu nanio i daš onome ko tebi uskraćuje."**

**(Bejheki, hasen hadis)**

# Propisi dženaze, II dio

Mr. Safet Kuduzović

S druge strane, većina šafijskih i hanbelijskih pravnika smatraju da se ova dova neće učiti. Ibn-Munzir kaže: "Nema predaja da su Poslanik, sallallahu alejhi ve sellem, ashabi ili tabiini učili ovu dovu nakon tekbira. Ko je prouči, ne zaslužuje ukor; a ko je ostavi, također, ne zaslužuje ukor." Učenje ili ostavljanje ove dove ne utječe na ispravnost dženaze-namaza, iako je po mome mišljenju, preče ostaviti njeno učenje, jer to nisu praktikovale odabrane generacije, a Allah najbolje zna. Nakon proučene El-Fatihe (i sure ko želi), donijeće se drugi tekbir sa ponovnim dizanjem ruku, kao kod početnog tekbira. Imam Tirmizi kaže: "Islamski učenjaci se razilaze po ovom pitanju. Većina ashaba i drugih učenjaka smatraju da se dižu ruke pri svakom tekbiru dženaze-namaza." Zbog vjerodostojnih predaja o dizanju ruku, smatram da je poželjno dizati ruke pri svakom tekbiru kod dženaze-namaza, a Allah najbolje zna. Zatim će se (nakon drugog tekbira), donijeti salavati na Poslanika, sallallahu alejhi ve sellem. Ebu-Umame prenosi da je jedan od ashaba rekao: "Sunnet je na dženazi-namazu proučiti nakon prvog tekbira El-Fatih u sebi, zatim donijeti salavate na Poslanika, sallallahu alejhi ve sellem, potom dovit mejit u iskrenom dovom nakon ostalih tekbira, ali ne učiti na njima ništa iz Kur'ana, potom preselamiti tiho u sebi." (Šafija, Hakim, Bejheki, šejh Albani predaju smatra vjerodostojnom) U verziji koju prenosi imam Hakim stoji: "...potom će preselamiti na jednu stranu." Što se tiče samih salavata od Poslanika, sallallahu alejhi ve sellem, nije prenesena njihova forma. Najbolje je učiti "Es-salavatul-lbrahimijje" (salavati koji se uče na tešehu), jer su oni najpotpuniji i najvrijedniji. Ako bi se proučili i neki drugi, kraći salavati, namaz bi, također, bio ispravan. Nakon toga donijeće se treći tekbir i doviće se mejit. Dokaz tome je prethodna predaja Ebu-Umame i hadis koga prenosi Ebu-Hurejre u kome Poslanik, sallallahu alejhi ve sellem, kaže: "Kada budete klanjali dženazu dovite mejit u iskrenom dovom." (Ebu-Davud, Ibn-Madže, Bejheki) Od Allahovog Poslanika, sallallahu alejhi ve sellem, prenosi se nekoliko dova koje je učio na dženazi. Avf b. Malik kaže da je Poslanik, sallallahu alejhi ve sellem, klanjao dženazu i dovio: "*Gospodaru moj, sačuvaj ga, oprosti mu i smiluj mu se. Podari mu počašćeno i široko mjesto (u kaburu). Očisti ga (od grijeha) vodom, i snijegom i gradom. Očisti ga od grijeha kao što se bijela odjeća čisti od prljavštine. Podari mu bolje od njegovog prebivališta, porodicu bolju od njegove porodice i bračnog druga boljeg od njegovog. Uvedi ga u Džennet i zašiti ga kaburske patnje.*" Avf b. Malik potom reče: Poželio sam da budem

mejit kome dovi Poslanik, sallallahu alejhi ve sellem." (Muslim) Vasile b. el-Eskea kaže da je Poslanik, sallallahu alejhi ve sellem, klanjao jednom čovjeku dženazu i dovio: "*Gospodaru moj, taj i taj, (pa je spomenuo mejita po imenu) u Tvome okrilju prepušten je Tvojoj milosti. Spasi ga kaburskih iskušenja i vatre džehennemske. Ti si Istiniti koji ispunjava svoje obećanje, Tebi svaka hvala pripada. Gospodaru moj, oprosti mu i smiluj mu se, o Milostivi koji mnogo praštaš.*" (Ebu-David, Ibn-Madže, Ahmed) Ebu-Hurejre kaže da je Poslanik, sallallahu alejhi ve sellem, dovio na dženazi sljedećom dovom: "*Gospodaru moj, oprosti našima živima i mrtvima, prisutnima i odsutnima, malima i velikima, muškarcima i ženama. Gospodaru moj, koga poživiš od nas, poživi ga u imanu, a koga usmrtiš od nas usmrti ga u islamu. Gospodaru moj, nagradi nas za pravo vjerovanje i nemoj nas odvesti na stranputicu.*" (Ebu-Davud, Ibn-Madže, Tirmizi) Učenje jedne od dova je glavni uvjet (rukun) dženaze-namaza po konsenzusu učenjaka. Nakon toga učiniće se četvrti tekbir i ponovo dovit. Prenosi se da je Abdullah b. Ebi-Evfa klanjao dženazu-namaz, donio je četiri tekbira i nakon toga dovio. Kada je završio namaz upitao je prisutne: "Da li ste pomislili da ću učiniti peti tekbir?" "Nismo," - kazaše. Abdullah reče: "Poslanik, sallallahu alejhi ve sellem, donosio je četiri tekbira na dženazi." (Bejheki, šejh Albani smatra predaju vjerodostojnom) Iz citirane predaje se može zaključiti da je ovaj ashab dovio nakon četvrtog tekbira, ugledajući se na Poslanika, sallallahu alejhi ve sellem. U drugoj verziji ovoga hadisa navodi se da je Abdullah b. Ebi-Evfa ovaj postupak pripisao Poslaniku, sallallahu alejhi ve sellem (Ibn-Madže, Ahmed, Bejheki) Ako se klanja dženaza djetetu nema smetnje učiti narednu dovu: "*Gospodaru moj, učini ga zalogom nama i nagradom.*" Ova dova se prenosi od Ebu-Hurejre (Bejheki), Enesa b. Malika i Hasana el-Basrija, kao njihove riječi (mevkufen). Međutim, oko učenja dove nakon četvrtog tekbira islamski učenjaci imaju podjeljena mišljenja. Većina šafijskih, neki hanbelijski, hanefijski i malikijski pravници smatraju učenje ove dove pohvalnim postupkom. Odabrao ga je, također, imam Ibn-Munzir, Ševkani, šejh Sejjid Sabik, Albani i Ibn-Usejmin. Neki učenjaci kažu da je na ovome mjestu lijepo učiti sljedeću dovu: "*Gospodaru moj, podari nam na ovome i budućem svijetu svako dobro i sačuvaj nas džehennemske patnje.*" (Muttefekun alejhi) Allahov Poslanik, sallallahu alejhi ve sellem, je općenito najviše učio. Što se tiče dova koje se uče na dženazi-namazu najbolje je praktikovati ono što je preneseno od Vjerovjesnika, alejhisellam. Međutim, ako Sunnetom nije pojašnjena sama forma dove, onda vrijedi pravilo slobodnog izbora. Imam Ševkani kaže: "U fikhskim



djelima se nalaze brojne dove koje nisu prenesene u Sunnetu Poslanika sallallahu alejhi ve sellem. Najbolje je praktikovati ono što je navedeno u vjerodostojnim predajama." Slično ovome rekli su šejh Muhammed Šekiri i Ibn-Usejmin.

#### **Da li je dozvoljeno učiniti više od četiri tekbira za dženazu**

Ibn-Ebi-Lejla kaže: "Kada bi Zejd b. Erkam klanjao dženazu donio bi četiri tekbira. Jedanput je klanjao i učinio je pet tekbira. Upitao sam ga zbog čega je tako postupio? Odgovorio je: Tako je činio Allahov Poslanik, sallallahu alejhi ve sellem" (Muslim) Imam Nevevi u komentaru citiranog hadisa kaže: "Ovaj hadis je dokinut. O njegovom dokidanju svjedoči konsenzus učenjaka." Ibn-Abdul-Berr kaže: "Islamski pravnici su složni da se dženaza-namaz sastoji od četiri tekbira, a ne više od toga." Ovaj konsenzus navode, također, imam Maverdi, Kasim i Ševkani. Međutim, poznato je da su se ashabi razili po ovom pitanju. Vidimo da je Zejd b. Erkam ponekad donosio pet tekbira. Ibn-Abbas je klanjao dženazu-namaz i učinio tri tekbira (Askalani smatra predaju vjerodostojnom). Od Enesa b. Malika i Ibn-Sirina se navodi da su donosili tri tekbira za dženazu-namaz. Prenosi se da je Alija, r.a., kada bi klanjao dženazu učesnicima Bedra donosio šest tekbira. Kada bi klanjao ashabama donosio bi pet tekbira, a drugim ljudima bi klanjao sa četiri tekbira. (Darekutni i Bejheki) Ibn-Mesud, također, nije vidio smetnje u donošenju petog tekbira. Nakon ovih predaja vidi se da ashabi nisu imali jednoglasno mišljenje oko broja tekbira, čak ni u vrijeme Omera i Ibn-Mesuda, r.a., kako to tvrde neki pravnici, jer su Alija, Enes i drugi ashabi nakon njih donosili više od četiri tekbira. Ibn-Rušd kaže: "Ashabi su se uveliko razili oko broja tekbira za dženazu-namaz." Šejhul-islam Ibn-Kajjim, nakon što je spomenuo neke od prethodnih predaja, kaže: "Poslanik, sallallahu alejhi ve sellem, nije zabranio da se donese više od četiri tekbira, već je donosio više od toga, kao i njegovi ashabi nakon njega. Zato nema opravdanog razloga za odbacivanje i ostavljanje rada po ovim predajama." Prema tome, dozvoljeno je ponekad učiniti pet tekbira za dženazu-namaz, a ako se već treba ograničiti na jednu formu onda će se ograničiti na četiri tekbira, jer je to bila najčešća praksa Allahovog Poslanika, sallallahu alejhi ve sellem, kao i većine ashaba i tabiina. Što se tiče tri, šest i sedam tekbira, radi se o postupcima ashaba, pa je preče ograničiti se na Sunnet Poslanika, sallallahu alejhi ve sellem, a Allah najbolje zna. Zatim će se preselamiti na desnu i lijevu stranu. Ibn-Mesud, r.a., je rekao: "Allahov Poslanik, sallallahu alejhi ve sellem, praktikovao je tri stvari koje su ljudi zapostavili. Jedna od tih stvari je preselamiti na dženazi, kao na

propisanim namazima (Taberani i Bejheki) Ovo mišljenje zastupaju učenjaci hanefijske i i učenjaci šafijske pravne škole. Većina učenjaka iz ranijih i potonjih generacija smatra da će se preselamiti samo na jednu (desnu) stranu. Ovaj postupak dokazuju predajom u kojoj Ebu-Hurejre kaže: "Allahov Poslanik, sallallahu alejhi ve sellem, klanjao je dženazu, donio je četiri tekbira i preselamio na jednu (desnu) stranu." (Darekutni, Hakim i Bejheki, a šejh Albani je predaju ocijenio dobrom) Citirani hadis potvrđuje predaju u kojoj Ebu-Umame kaže: "Sunnet je na dženazi-namazu...preselamiti tiho u sebi na desnu stranu." (Abdur-Rezzak i Ibn Munzir sa vjerodostojnim lancem prenosilaca) Prenosi se od skupine ashaba da su na dženazi predavali selam samo na jednu stranu, kao što su: Ibn-Omer, Ebu-Umame b. Sehl, Vasile b. el-Eskan. Imam Hakim kaže: "Prenosi se u vjerodostojnim predajama da su: Alija b. Ebi-Talib, Abdullah b. Omer, Abdullah b. Abbas, Džabir b. Abdullah, Ibn-Ebi-Evfa i Ebu-Hurejre predavali selam na samo jednu stranu." Ovo je, također, stav Ibn-Sirina, Hasana el-Basrija, Seida b. Džubejra, Ataa, Džabira b. Zejda, Mekhula, Ibrahima en-Nehaija, Sufjana es-Sevrija, Ibn-Ujejne, Ibn-Mubareka, Ahmeda, Ishaka, Vekia, učenjaka hanbelijske pravne škole, Ibn-Munzira i većine islamskih učenjaka iz prvih i potonjih generacija. Nakon citiranih dokaza vidimo da su oba mišljenja zasnovana na autentičnim argumentima. Možemo odabrati mišljenje imama Šafije koji smatra da je ispravno preselamiti na jednu ili na obadvije strane. Međutim, ipak je bolje preselamiti samo na desnu stranu, zbog prakse prvih generacija. Islamski učenjaci se razilaze da li će imam preselamiti tihim ili povišenim glasom? Prethodna predaja Ebu-Umame ukazuje da je sunnet preselamiti tiho u sebi. Prenosi se da je Ibn-Abbas, kada bi klanjao dženazu, preselamio prigušenim glasom. (Bejheki, šejh Albani smatra predaju vjerodostojnom) Ovo mišljenje zastupaju: Alija b. Ebi-Talib, Ebu-Umame, Seid b. Džubejr, Ibrahim en-Nehai, neki hanefijski pravnici, imam Safija, Ahmed i imam Malik po jednoj verziji. Drugi dio učenjaka smatra da će imam predati selam da ga čuju muktedije koje su neposredno iza njega. Ovo mišljenje zastupaju: Ibn-Omer, Ebu-Hurejre, Ibn-Sirin, Hasan el-Basri, Ebu-Hanife i neki hanefijski pravnici, Sufjan es-Sevri, El-Evzai, imam Malik po drugoj verziji, i drugi. Neki hanefijski učenjaci smatraju da će svaki saf preselamiti glasom koga čuje naredni saf.

**Napomena:** Ko želi više i opširnije da sazna o ovoj temi, neko pogleda knjigu "Pravni propisi dženaze namaza (komparativni fikh)"!

## Tesbih-namaz

Hfz. mag. Muhammed Fadil Porča



Zuhulayfe - Ebyari Ali MEDINE

Prenose Ebu Davud, ibni Madže i ibni Huzejme rivajet o ovome namazu koji se sastoji od četiri rekata sa posebnim zikrovima na kijamu, rukuu, sedždama i između njih, za koji se obećava oprost svih grijeha. U njemu se preporučuje njegovo klanjanje svaki dan ili jednom u mjesecu ili jednom u godini ili jednom u životu.

Kaže hafiz Abdul-Azim ibni Abdil-Kavijj El-Munziri u svojoj knjizi "Et-Tergibu vet-Terhib" (poticaji i upozorenja) koja je prevedena i na naš jezik, na str.114. "Ako je ispravan haber (vijest), u srcu ostaje nešto u pogledu ovog lanca prenosilaca." Čudno je kako je ova rečenica izostavljena

u prijevodu, kada ona ukazuje na sumnju samog autora ovog djela u ispravnost ovog predanja. Dalje nastavlja Autor i kaže: "Prenosi ga Ibrahim ibnul Hakem od svog oca od Ikrima kao mursel (daif) i ne spominje ibni Abbasa." Kaže Hafiz Ibni Hadžer: "Prenosi se ovaj hadis mnogim putevima, a i od jedne skupine ashaba, a najbolji je ovaj Ikrimin (daif) hadis." Kaže Ebu Bekr ibni Ebi Davud: "Čuo sam svog oca (Ebu Davuda) da kazuje: - Nema o tesbih namazu sahih hadis do ovoga." A Muslim ibni El-Hadžadž rahimehullahu teala kaže: "Ne prenosi se o ovom hadisu bolji lanac prenosilaca od ovog."

Što znači da je ovo najbolji postojeći rivajet, a on je takav kakav je. Poznati islamski učenjak šejh Muhammed ibni Salih El-Usejmin, pored toga što je predanje slabo, upozorava na sam tekst hadisa koji odudara od opšte prihvaćenih i poznatih predanja i nemogućnost da tako nešto važno ne bude opštepoznato i prihvaćeno među ashabima, kada znamo njihovu privrženost islamu i njegovim propisima. U ovom slučaju nije ispravno raditi po ovakvom slabom predanju, jer je ono vezano za propis vjere koji se može uzeti samo iz prihvatljivih rivajeta. Allah, subhanehu ve teala, najbolje zna.

## Kako se šalio Poslanik alejhisselam

Enes ibn Malik, r.a., prenosi da mu je Allahov Poslanik, sallallahu alejhi ve sellem, rekao u šali: "O ti sa dva uha!" Enes ibn Malik, r.a., pripovijeda: Allahov Poslanik, sallallahu alejhi ve sellem, se družio i sa djecom. Jedanput je rekao mom malom bratu: "Omerica, šta uradi vrapčić?" Dječak je imao vrapčića u rukama, sa kojim se je igrao i koji mu je uginuo.

Ebu Hurejre, r.a., kazuje da su rekli Allahovom Poslaniku, sallallahu alejhi ve sellem: Allahov Poslaniče, ti se sa nama šališ? "Da, ali ja govorim samo istinu" - odgovori im on.

Enes ibn Malik, r.a., pripovijeda da je jedan čovjek zatražio od Allahovog Poslanika, sallallahu alejhi ve sellem, jahaću devu, na što mu je on odgovorio: "Dat ću ti devino mladunče." Šta mi koristi devino mladunče? - upita čovjek. "A šta deva rađa osim deve?" - reče mu Poslanik, sallallahu alejhi ve sellem.

Enes ibn Malik, r.a., pripovijeda da je jedan beduin, po imenu Zahir, slao Allahovom Poslaniku, sallallahu alejhi ve sellem, poklon iz pustinje, za što bi ga on za uzvrat nagradio kada bi krenuo kući. Zahir je bio ružnog izgleda, ali ga je Allahov Poslanik, sallallahu alejhi ve sellem, volio i govorio bi mu: "Zahir je naša pustinja, a mi njegov grad. Jedanput dok je Zahir prodavao nesto na pijaci, Allahov Poslanik, sallallahu alejhi ve sellem, mu je neopaženo prišao sa leđa i obuhvatio ga rukama. Ko je to? - povika: Pusti me! Kada se okrenu ugleda da mu je Allahov Poslanik, sallallahu alejhi ve sellem, prslonio prsa na leđa.

Ko će kupiti ovog roba? uzviknu Allahov Poslanik, sallallahu alejhi ve sellem. Allahov Poslaniče, tako mi Allaha, bit ću jeftin. - Ali ti si kod Allaha skup - odgovori mu Poslanik sallallahu alejhi ve sellem. Hasan El Basri, r.a., kazuje da je jedna starica rekla Allahovom Poslaniku, sallallahu alejhi ve sellem: Allahov Poslaniče, moli Allaha da me uvede u Džennet! - U Džennet ne ulaze starice - odgovori joj. Žena se okrenu i poče plakati. Recite joj povika Poslanik, sallallahu alejhi ve sellem, da u džennet neće ući kao starica, jer Uzvišeni Allah kaže: "Mi ćemo hurije iznova stvoriti i djevicama ih učiniti, milim muževima njihovim, i godina istih." (El-Vaki'a:35-37)

Biljež Imam Tirmizi rahmetullahi alejhi



## “Budi na dunjaluku stranac ili putnik”

Od Ibn-Omera r.a. se prenosi da je rekao: *“Uzeo me Allahov Poslanik za rame i rekao: “Budi na dunjaluku kao stranac ili putnik”. A Ibn-Omer r.a. je govorio: “Kada omrkneš ne nadaj se da ćeš dočekati jutro, a kada osvaneš ne nadaj se da ćeš dočekati večer, iskoristi svoje zdravlje prije bolesti i život prije smrti”.* (Bilježi Buhari)

### Važnost hadisa

Koliko je samo ljudi kojima se dunjaluk ispriječio na putu pridržavanja vjerskih obaveza? Koliko je Allahovih robova kojima je ljubav prema dunjaluku ušla u srce pa su postali njegove sluge? Koliko je samo onih koji su zbog dunjaluka prodali vjeru, dušu i svoj narod? Zbog navedenog, Allahov Poslanik, sallallahu alejhi ve sellem, objašnjava kako čovjek treba da se postavi prema dunjaluku, kako bi zaslužio i ušao u “Kuću mira”. Ovaj hadis je osnova u odricanju i preziranju dunjaluka te u zadovoljstvu sa malo a čime se postiže Ahiret, džennet. Poslanik, sallallahu alejhi ve sellem, je u ovom hadisu uporedio pobožnjaka sa strancem koji nema svoga doma niti skloništa. Zatim je otišao korak dalje pa ga uporedio sa putnikom prolaznikom; jer se može desiti da stranac stanuje u tuđem gradu za razliku od putnika-prolaznika koji samo putuje prema svome konačnom odredištu a ispred njega su smrtonosne doline i pustinje. Kaže Ibn-Bettal: “Kao što musafir, putnik ima potrebu samo za onoliko imetka koliko mu je dovoljno da stigne do cilja, isto tako i vjernik ima potrebu za dunjalukom samo onoliko koliko mu je potrebno da stigne do mjesta koje želi.” Kaže En-Nevevi: “Značenje hadisa bi bilo: “Ne uzdaj se u dunjaluk niti ga uzimaj svojom domovinom (kućom), ne govori sebi da ćeš na njemu vječno ostati i ne veži se za njega isto kao što se stranac ni zašta ne veže u tuđini.” A što se tiče riječi Ibn-Omera: *“Kada omrkneš ne nadaj se da ćeš dočekati jutro...”* one su zaključak iz Poslanikove, sallallahu alejhi ve sellem, oporuke njemu, Allah mu se smilovao. One upućuju na kratkoću nade u ovaj dunjaluk, zato rob treba da uvijek ima na umu da ga njegov edžel može prestići. Ovakav osjećaj ga motiviše na zadovoljavanje sa malo od dunjaluka, pripremanje za Dan povratka i da čini dobro djelo kojim je zadužen bilo ono obavezno ili pohvalno (dobrovoljno).

### Iskorištavanje života u onome što je korisno

Riječi Ibn-Omera r.a.: *“Iskoristi svoje zdravlje prije bolesti i život prije smrti”* su velika oporuka od časnog ashaba crpljena iz knjige našeg Gospodara i sunneta Allahovog Poslanika, sallallahu alejhi ve sellem. Ovim riječima Ibn-Omer r.a. nam oporučuje iskorištavanje

zdravlja u pokornosti jer čovjek u toku bolesti ne može mnoga djela da radi, te kako bi se na taj način rob pomagao u bolesti onim dobrim djelima što je radio dok je bio zdrav. Ovaj plemeniti ashab nam također oporučuje iskorištavanje života u pokornosti Allahu i Poslaniku, sallallahu alejhi ve sellem, i opskrbljivanje dobrim djelima za Dan povratka. Allah, dželle šanuhu, kaže: **“I onim, što vam je potrebno za put, snabdijte se. A najbolja opskrba je bogobožnost.”** (El-Bekara, 197.) Smrt zaista zna iznenaditi čovjeka tako da može sresti svoga Gospodara bez opskrbe i na taj način propasti. Tada će se čovjek kajati za onim što je propustio prema Allahu, dželle šanuhu, ali to nije vrijeme za kajanje. Uzvišeni kaže: **“...da čovjek ne bi uzviknuo: “Teško meni, koliko sam samo dužnosti prema Allahu propustio, čak sam se i izrugivao!” ili da ne bi rekao: “Da me je Allah Pravim putem uputio, sigurno bi se Njegove kazne sačuvao”, ili da ne bi rekao kad doživi patnju: “Da mi se samo vratiti - dobra djela bih činio!”** (Ez-Zumer, 56-58.) Na drugom mjestu kaže Uzvišeni: **“Na Dan kada se njihova lica u vatri budu prevrtala, govoreći: ‘Kamo sreće da smo se Allahu pokoravali i da smo Poslanika slušali.’** (El-Ahzab, 66.) Ahiret je kuća obračuna a nije kuća rada. U hadisu koga prenosi Ebu-Hurejre r.a., Poslanik, sallallahu alejhi ve sellem, kaže: **“Kada čovjek umre prekidaju se sva njegova djela osim troje; trajna sadaka, nauka kojom se drugi koriste i dobro odgojeno dijete koje moli za njega”.** Čovjek sigurno zna da je dunjaluk prolazan ali je nemaran i zaboravlja ovu veliku istinu zbog utopljenosti u dunjaluk. Zato nas Allah, dželle šanuhu, na više mjesta upozorava pa veli: **“Sve što je na Zemlji prolazno je.”** (Er-Rahman, 26.) Uzvišeni također kaže: **“Život na ovom svijetu je sličan bilju zemaljskom na koje Mi spustimo sa neba kišu s kojim se ono izmiješa, kojim se onda hrane ljudi i stoka. Pa kada se zemlja ukrasi svojim ruhom i okiti i kad stanovnici njeni pomisle da su oni toga gospodari, dođe zapovijed Naša noću ili danju i Mi to pokosimo, kao da prije ničega nije ni bilo. Eto tako Mi potanko izlažemo dokaze narodu koji hoće da razmisli.”** (Jusuf, 24.) Pametnog roba-čovjeka čije je srce Allah, dželle šanuhu, osvjetlio sa razumjevanjem suštine dunjaluka ne može ovaj prolazni svijet obmanuti. On ne nalazi smirenost u njegovim ukrasima i uživanjima. On ga smatra samo njivom za Dan povratka.

**... S njima  
lijepo  
živite! A  
ako prema  
njima  
odvratnost  
osjetite,  
moguće je  
da je baš u  
onome  
prema  
čemu  
odvratnost  
osjećate  
Allah  
veliko  
dobro dao**

**Sura An-Nisa 19**



## Ponašanje muža prema ženi

Da'ija Sedin Gulamić

Allah Plemeniti je svaki detalj ljudskog života propisao da bude u skladu sa Njegovim zakonima. Znajući prirodu čovjeka jer ga je On i stvorio, On je odredio i pravila koja omogućuju da čovjek čuva i očuva ovu svoju prirodu. S obzirom da je brak institucija koja čuva porodicu, Islam joj pridaje poseban značaj. Zbog toga, Allah Plemeniti u brojnim ajetima i preko svog Poslanika, sallallahu alejhi ve sellem, određuje jasne smjernice kako da čovjek postupi u tom segmentu življenja, kako bi očuvao brak, ojačao porodicu i kako bi ozdravio društvo u cjelini. Mi ćemo u ovom izlaganju inšaAllah govoriti o jednoj jako važnoj smjernici, a to je lijepo ponašanje muža prema ženi. Navest ćemo deset stvari koje spadaju u te smjernice koje su potrebne da bi brak bio uspješan i srećan.

### Lijep odnos prema ženi

Svako stvorenje je dužno da traži Allahovo zadovoljstvo onako kako je to tražio Poslanik, sallallahu alejhi ve sellem, koji je bio najbogoibojazniji. A Poslanik, sallallahu alejhi ve sellem je rekao: *"Najboji od vas su oni koji su najbolji prema svojim ženama, a ja sam najboji prema svojim ženama."* (Ibn Madže u Sunenu) Muž je dužan da se trudi da izgradi lijep odnos prema svojoj supruzi jer je Poslanik, sallallahu alejhi ve

sellem, u više predaja to isticao. Tako u predaji od Ebu Hurejre r.a., Poslanik sallallahu alejhi ve sellem, kaže: *"Najpotpuniji vjernik je onaj koji ima lijepo ponašanje a najbolji među vama su oni koji se najljepše ponašaju prema svojim suprugama!"* (Tirmizi u Sunenu; hasen sahih hadis) Koliko je Poslanik, sallallahu alejhi ve sellem, predavao pažnju tome i koliko je muslimane podsticao na lijepo ponašanje prema ženama, najbolje će potvrditi hadis koji je oporučio na oprosnom hadždžu, u predaji Amra ibn El- Ahvesa r.a. da je rekao: *"I lijepo sa ženama postupajte."* (Tirmizi u Sunenu; hasen sahih hadis)

### Razumjevanje njihove potrebe i aspiracije

Muž je dužan da razumije ženu i njene potrebe, stremljenja i aspiracije. Najbolju potvrdu za to nalazimo u praksi Allahovog Poslanika sallallahu alejhi ve sellem. Naime Aiša r.a. prenosi da se udala za Poslanika sallallahu alejhi ve sellem, izuzetno mlada i da se voljela igrati sa lutkama i drugaricama pa je Poslanik sallallahu alejhi ve sellem, tražio njene drugarice i pustio ih da joj dolaze i da se igraju sa njom. (Ibn Madže u Sunenu) Igra i zabava sa ženom ubrajaju se u hobije koje su šerijatom preporučeni. Tako

Džabir ibn Abdullah r.a. prenosi predaju u kojoj se kaže da će čovjek biti nagrađen samo za neke vrste hobija. Među njima se ubraja igra i zabava sa svojom suprugom, dresiranje konja i podučavanje plivanju. (Taberani u El-Mudžemu Kebiru) Aiša r.a. tvrdi da se Poslanik, sallallahu alejhi ve sellem, takmičio sa njom u trčanju. Nekada je ona pobijedila a nekada on. (Ibn Madže u Sunenu) Nažalost danas je jako malo muževa koji su se u ovome ugledali na Poslanika, sallallahu alejhi ve sellem, iako je on najpreči da ga slijedimo.

### Pomaganje ženi u poslu

El Esved je upitao Aišu r.a.: *"Šta je radio Poslanik sallallahu alejhi ve sellem u kući?"* Ona je odgovorila: *"Pomagao bi porodici a kad bi čuo ezan, izašao bi."* (Buharija u sahihu) Neće biti papučar onaj koji pomogne ženi u kućnim poslovima, koje ona sama nije u stanju učiniti, već će to biti lijep gest muža prema ženi koji može samo učvrstiti ljubav među supružnicima kao što je to radio Poslanik sallallahu alejhi ve sellem.

### Osiguravanje opskrbe

Koliko je opskrbljivanje porodice važno, najbolje će potvrditi hadis koji prenosi Ebu Hurejre r.a.: *"Najveća nagrada od imetka kojeg potrošiš na Allahovom putu, za oslobađanje roba, pomaganju siromaha i*

onaj koji potrošiš za svoju ljubomoru koju Allah voli i porodicu. (Muslim u sahihu) onu koju nevoli. Allah voli Muž treba posebno voditi ljubomoru koja je računa da ono što priskrbi utemeljena na sumnji. (Ebu Davud i Nesai) Hasan el Basri ženi odnosno porodici bude na halal način zarađeno. upozorio je: "Zašto ne Žene iz prve generacije oplakujete vaše žene koje se muslimana podsticale su guraju sa otpadnicima po svoje muževe na halal pijacama?! Allah učinio zaradu, govoreći: "Čuvaj se ružnim onoga koji nije haram zarade jer mi ljubomoran na to! (El-Gazali; ljubomor na to! (El-Gazali; Ihjau'ulumid-din) Otuda ta možemo trpiti glad i žeđ, ali vrsta ljubomora je poželjna, ne možemo trpiti vatru." (El-Gazali; Ihjau'ulumi-din) može se čak reći i obavezna za muža.

#### Pravednost među ženama

Allahov Poslanik, sallallahu alejhi ve sellem, u predaji od Ebu Hurejre r.a. kaže: "Koji čovjek bude imao dvije žene a ne bude na isti način postupao prema objema, doći će na Sudnji dan s jednom stranom koja će mu biti iskrivljena." (Tirmizi u

Muž nije obavezan samo sunenu) Muž mora biti materijalno koštirati ženu, pravedan prema supruzi već je obavezan ispuniti i pogotovo ako ima dvije svoje bračne obaveze. Jedna žene. Zbog toga muž znajući od njih je da i u intimnom za osjetljivost supruge mora odnosu zadovolji svoju ženu. paziti da ispuni ono zašto je Prema hadisu Allahovog zadužen. Tako će voditi Poslanika, sallallahu alejhi računa da obskrbi svaku ve sellem, kada muž suprug, da vodi računa o zadovolji svoju potebu njihovoj ishrani, odjevanju i prilikom intimnog odnosa, dužan je da priušti slično, te da u tom pogledu zadovoljstvo i svojoj ženi". nepravdi nikakvu razliku među (vidi o tome mr. M. njima. Štulanović) Abdullah ibn Amr ibn el-As r.a. prenosi da ga je Poslanik sallallahu alejhi

#### Ljubomora

Muževi su dužni da vode brigu gdje im idu žene i sa kim se druže, sa kim komuniciraju i ako u nešto posumnjaju, moraju biti ljubomorni čuvari i zaštititi svoje supruge. U hadisu Džabira ibn Atika, Poslanik sallallahu alejhi ve sellem, naglašavao je da ima

Muž ima obaveze prema ženi

**Aiša r.a. tvrdi da se Poslanik, sallallahu alejhi ve sellem, takmičio sa njom u trčanju. Nekada je ona pobijedila a nekada on**

ve sellem upitao: "Obavješten sam da dane provodiš u postu a noći u ibadetu?" On je odgovorio: "Da! Poslanik, sallallahu alejhi ve sellem, ga je savjetovao: "Ne čini tako. Posti, ali i jedi. Klanjaj, ali i spavaj.

Tvoje tijelo ima pravo, tvoje oči imaju svoje pravo, a i tvoja žena ima na tebe pravo! (Buharija u sahihu)

**Ako ga tuđa žena fascinira to će nadoknaditi kod svoje supruge**

U hadisu kojeg prenosi Džabir ibn Abdullah r.a., Vjerovjesnik, sallallahu alejhi ve sellem, rekao je: "Ako nekog od vas zadivi neka žena, pa se nešto rodi u njegovom srcu, neka se približi svojoj supruzi i neka to nadoknadi sa njom, jer će mu to nadoknaditi ono što se u njemu rodilo! (Muslim u

hadisu, hasen-sahih) Kad se dogodi da muškarca fascinira tuđa žena i on osjeti neku vrstu pohote za njom dužan je što prije otići svojoj supruzi i nadoknaditi sa njom, jer će tako zatvoriti put šejtanu i njegovim vesvesama i sačuvati se od propasti jer je Poslanik, sallallahu alejhi ve sellem, rekao u hadisu kojeg prenosi Aiša r.a.: "Ummete Muhammedov niko nije ljubomorniji od Allaha kad vidi svog roba ili robinju kako zinaluk čine. Ummete Muhammedov, da znate ono što ja znam malo biste se smijali a puno plakali!" (Buharija u sahihu)



#### Pitanje:

Esselamu alejkum, Gdje se u časnom Kuranu ženi naređuje da se pokrije?

#### Odgovor:

Ve alejkumus-selam! Ako pitanje glasi: "Da li se u Kur'anu naređuje pokrivanje žene?", onda odgovor glasi: Da u Kur'anu se naređuje pokrivanje žene. U suri El-Ahzab u 59-tom ajetu. Pokrivanje žene muslimanke se, također, zaključuje iz 31-vog ajeta sure En-Nur i 33-trećeg ajeta sure El-Ahzab. Nema razilaženja među islamskim učenjacima kroz stoljeća islama da je obaveza pokrivanja žene potvrđena Kur'anom, kao obavljanje namaza. Ako neko kaže: "Kur'an nije detaljno precizirao način samog pokrivanja, već ga općenito naređuje, pa šta da činimo?" Ogovor glasi: Kur'an, također, nije detaljno pojasnio način obavljanja namaza, hadždža, davanje zekata itd. Zato je obligatna dužnost svih muslimana da se vrate na Poslanikovu, s.a.v.s., praksu da bi znali ove pojedinosti i detalje, a Allah najbolje zna.

**Mr. Safet Kuduzović**



## Iz života majke pravovjernih Aiše radijallahu anhuma

Dr. Abdul-Aziz A. el-Kari



**Dvije vrste ljudi biće stanovnici Džehennema i ja ih poslije ovozemaljskog života neću više vidjeti: - silnici, u čijim su rukama bičevi debljine kravljih repova, kojima tuku svijet, i - žene, obučene a otkrivene, koje zanose u hodu, i druge tome pozivaju, i okrenute od pokornosti Allahu, glave im kao krive grbe deva. One neće ući u Džennet niti će osjetiti njegova mirisa, a zasigurno se njegov miris osjeća na ogromnoj daljini."**

(bilježi Muslim)

Ostvarivanje 'ubudijjeta i iskrenosti u ibadetu Allahu Jedinom, je obaveza žene i muškarca podjednako, a put do toga ne može biti osim sa znanjem. Zbog toga je traženje korisnog znanja naređeno obadvoma. Kaže Poslanik sallallahu alejhi ve sellem: Traženje nauke je obaveza svakom muslimanu. "Svakom muslimanu" - to je forma koja podrazumjeva i muškarca i ženu, pa je traženje nauke obaveza za ženu, kao što je to obaveza i za muškarca. Ono što se podrazumjeva pod obaveznim znanjem, ovdje, jeste šerijatsko znanje, koje je prijeka potreba jednom muslimanu, radi popravljanja njegove akide vjerovanja, poboljšavanja njegovog ibadeta te sistematizacije i planiranja njegovih životnih pitanja, i to iz znanosti Kur'ana i Sunneta. Vezano za područje islamskih nauka, i historiju žene muslimanke, navest ćemo najsvjetlije primjere iz života Siddike (Iskrene), kćerke Siddika (Iskrenog), majke pravovjernih, Aiše, kćerke Ebu-Bekra Allah bio zadovoljan sa njom i sa njenim ocem. Ona je ljubav Poslanika sallallahu alejhi ve sellem i najdraža žena njegovom srcu. Oženio je po naredbi svoga Gospodara, a Džibril mu je njen lik prikazao u komadu svile, prije nego što će je oženiti. Imam Buhari je naslovio poglavlje u svome Sahihu, u "Knjizi braka", ovako:

Poglavlje gledanja u ženu prije braka - a zatim je prenio hadis sa senedom čiji tekst glasi: Rekao je Poslanik sallallahu alejhi ve sellem, Aiši: *"Pokazano mi je u snu kako te dovodi melek u platnu od kvalitetne svile, govoreći mi: Ovo je tvoja žena. Zatim sam otkrio veo sa tvoga lica, kad ono ti. Rekao sam: Ako ovo bude od Allaha, ostvarit će se."* Živjela je sa Poslanikom s.a.v.s. devet godina.

**Od znanja poslanstva Aiša r.a. zapamtila je ono što nije zapamtila ni jedna druga, pa ga je raširila u ummetu**

Preselila je, Allah bio zadovoljan njome, 17-tog ramazana, 58. godine po hidžri, a zakopana je na medinskom groblju Bekija. Allah je odabrao za drugu ženu Svome Poslaniku sallallahu alejhi ve sellem kada je bila u cvijetu svoje mladosti i jeku oštroumnosti i bistrine, da bi bila čista stranica u koju se urezuje znanje poslanstva. Ovo je sama mudrost Uzvišenog Allaha radi očuvanja ove vjere. Allahov Poslanik sallallahu alejhi ve sellem, je primjer i uzor ummetu. Na nama je da ga slijedimo u svim segmentima njegova života, kao što je, između ostalog, njegovo ponašanje u kući, postupanje sa porodicom i u stvarima koje nisu poznate osim njegovim ženama. Radi ovog vrlo

važnog zakonodavnog cilja Poslanik sallallahu alejhi ve sellem, je ženio mnogo žena kako bi jedna drugu upotpunjavale u pamćenju njegova sunneta u kući i bračnom životu, te prenošenju istog ummetu. U tome je najbolja bila iskrena Aiša, majka pravovjernih, r.a.. Od znanja poslanstva zapamtila je ono što nije zapamtila ni jedna druga, pa ga je raširila u ummetu. Ona je jedna od ashaba koja mnogo prenosi hadis, a takvi su manjina, poput: Ebu-Hurejre, Ibn-Abbasa, Ibn Omera i Enes r.a.. Prenijela je od Poslanika s.a.v.s. 1210 hadisa.

Složili su se Buhari i Muslim na 174 njena hadisa, dok sam Buhari bilježi 54, a sam Muslim njih 68. Najviše o čemu prenosi su šerijatski propisi, zbog toga se kaže da je prenijela ummetu četvrtinu šerijata. Od nje prenosi veliki broj ashaba, kao što su: njen otac Ebu Bekr Es-Siddik, Omer b. el-Hattab, njegov sin Abdullah, Ebu Hurejre, Ibn Abbas, Amr b. el-As, Ebu Musa el-Ešari itd. Od nje, takođe, prenosi i veliki broj tabiina. Od najpoznatijih su: Mesruk ibn el-Edžde'a, el-Esved el-Neha'i, Se'id ibn el-Musejjib, Urve sin njene sestre, Ebu Seleme b. Abdurrahman, el-Š'abi, Mudžahid, Ata b. Ebi Rebbah, Ikrima, Nafi mevla Ibn Omer i Amra bint Abdurrahman. Kaže Ata' rhm.: Aiša je bila najboljeg razumijevanja (u fikhu),

najučenija i najtačnijeg viđenja u svemu općenito. Kaže hafiz Muhammed ibn Šihab el-Zuhri: Kada bi se sabralo svo Aišino znanje i znanje svih ostalih žena, Aišino znanje bi bilo bolje. Kaže Mesruk rhm.: Vidio sam starije, ugledne ashabe Poslanika, sallallahu alejhi ve sellem, kako je pitaju o nasljednom pravu. Bilježi imam Tirmizi od Ebu Muse el-Ešarija r.a. da je rekao: Nismo mi, ashabi Allahova Poslanika, sallallahu alejhi ve sellem, nikada pitali Aišu r.a., o nekom nejasnom hadisu, a da kod nje nismo našli znanje o n j e m u . Aiša r.a. je bila najdraža osoba Poslaniku s.a.v.s. od svih ljudi. Prenose imam Buhari i Muslim od Amra ibnul-Asa r.a. da je



upitao Poslanika, sallallahu alejhi ve sellem,: Ko ti je najdraži od ljudi? Rekao je: Aiša. Pa ga je upitao: A od muškaraca? Reče: Njen otac. Bilježi imam Tirmizi da je neki čovjek raspravljao o Aiši r.a. (podvrgavao je kritici) u prisustvu Ammara ibn Jasira r.a., pa mu je rekao: Gubi se rugobo! Zar uznemiravaš Poslanikovu sallallahu alejhi ve sellem dragu?! Mesruk r.a. kada bi prenosio hadis od nje, rekao bi: Pričala mi je Siddika (Iskrena), kćerka Siddika (Iskrenog), najmilija žena Allahovog miljenika. Bilježi Muslim u svome Sahihu da je Poslanik, sallallahu alejhi ve sellem,

rekao svojoj kćerci Fatimi r.a.: Zar ne voliš ono što ja volim? Rekla je: Naravno da volim. Rekao je: Pa zavoli ovu - i pokazao je na Aišu. Aiša r.a. je bila blagoslov za ummet. Zbog nje je spušten ajet o tejemumu, kao milost i olakšica muslimanima do Sudnjega dana. Događaj "el-lfk", u kojem su munafici Medine potvorili Siddiku r.a. i o kojem je Allah spustio Kur'an, te dao propise koji čuvaju čast vjernika od jezika munafika i

veliĉao sam Sebe rijeĉima "subhanallah", u odbacivanju poroĉnosti Aiše, kao što je veliĉao sam Sebe u odbacivanju svake manjkavosti i nesavršenstva S v o g a b i ĉ a . Kaže el-Zamahšeri: Kada bi detaljno analizirao Kur'an i istraživao ono ĉime se prijeti griješnicima, ne bi našao da je Allah Uzvišeni i u ĉemu grublji i strožiji kao u osudi Aišine r.a. potvore. Zbog toga su ĉetvorica imama, kao i drugi uĉenjaci islama, ĉije se rijeĉi u v a Ź a v a j u , jedinstveni po tome da onaj ko potvori Aišu r.a. za blud postaje nevjernik i izlazi iz islama. Od njega se razvodi njegova žena, ne ukopava se u groblje muslimana, niti mu se klanja dženaza, zbog toga što je zaniĉkao šesnaest ajeta iz Kur'ana spuštenih o nevinosti Aiše radijellahu anha.

Pa neka se Allah smiluje Siddiki, kćerci Siddika, opravdanoj sa nebesa. Koliko je samo dala ummetu ogromnog hajra svojim širenjem Poslanikovog znanja i koliko smo samo vidjeli dobra od njenog blagoslova. Neka Allah bude zadovoljan s njom i neka je učini zadovoljnom i sretnom.

El-Asr

**Prenose Ebu Davud i Bejheki od Abdullaha b. Amira radiAllahu anhum koji kazuje: »Jednog dana zovnula me majka rekavši: Dođi, dat ću ti nešto! U to vrijeme sjedio je kod nas u kući Allahov Poslanik sallallahu alejhi ve sellem, pa je upitao: "A šta ćeš mu dati?" Ona mu reče: Dat ću mu hurmu. Allahov Poslanik sallallahu alejhi ve sellem joj tada reče: "Ako mu ništa ne dadneš pisat će ti se da si slagala."**



# Opasne greške u odgoju djece, I dio

Muhammed b. Ibrahim El-Hamd (prevod: Nezir Halilović).

U okviru teme "Žena Muslimanka" posvetit ćemo uz Allahovu pomoć i dozvolu u narednim brojevima posebnu pažnju temi "Žena i porodica". Uloga muslimanke u porodici je vrlo obširna tema, ali ćemo se inšaAllah potruditi da izložimo neke najznačajnije aspekte. Muslimanka igra u porodici, u prvom redu što se tiče odgoja budućih naraštaja, bitnu, možemo slobodno reći, najbitniju ulogu. Kao što kažu islamski učenjaci, muslimanka je pola društva, a u svome krilu odgaja drugu polovicu; iz čega proizilazi da je muslimanka u stvari temelj čitavog društva. Allah dželle šanuhu je ovom veličanstvenom ulogom počastio ženu i ona treba da joj i priđe sa svom ozbiljnošću. Uzvišeni Allah kaže « O vi koji vjerujete, sebe i porodice svoje čuvajte od Vatre čije će gorivo ljudi i kamenje biti, i o kojoj će se meleki strogi i strašni brinuti, koji se onome što Allah zapovjedi neće opirati, i koji će ono što im se naredi izvršiti » (Et-Tahrim,6) Svevišnji Gospodar kaže: «Naredi čeljadi svojoj da obavlja molitvu i ustraj u tome.» (Ta-Ha,132) Ibn-Umer, r.a., prenosi da je Allahov Poslanik, sallallahu alejhi

ve selleme, rekao: "Svi ste vi pastiri, i svaki pastir bit će odgovoran za svoje stado. Vladar je pastir, čovjek je pastir svojoj porodici, žena je pastirica u kući svoga muža i njegove djece. Svi ste vi, dakle, pastiri i svi ste odgovorni za svoje stado." (Muttefekun alejhi) Majka je te koje svoje dijete usmjerava i u prvom redu podučava dinu- Islamu. Ona djeca koju njihovi roditelji od rođenja odgajaju u duhu Kur'ana i Sunneta Allahovog Poslanika sallallahu alejhi ve selleme imaju jake osnove da izrastu u dobre, iskrene vjernike i dostojne nosioce ovog Ummeta. U ovom broju ćemo se inšaAllah osvrnuti na neke greške pri odgoju djece. Za ovu temu napravili smo kratak sadržaj djela "Opsane greške u odgoju djece", Šejha Muhammeda b. Ibrahima El-Hamda (prevod: Nezir Halilović).

Greške u odgoju djece se pojavljuju u mnogobrojnim i raznovrsnim oblicima. Svaki taj oblik, svaka greška, direktno rezultira lošim stanjem, odgojem i ponašanjem kod djece. Najčešće i najopasnije greške su sljedeće:

**Odgajanje djece putem plašenja, straha zastrašivanja**  
Svaki put kada dijete malo snažnije zaplače roditelji ga počnu zastrašivati mrakom, babarogom, lopovom, šejtanom, učiteljem, doktorom, hodžom itd. Sve ovo kod djece razvija veliki strah od navedenih pojava ili osoba.

Nakon izvjesnog vremena dijete se može početi plašiti predmeta, pojava i osoba kojih se uopće ne bi smjelo plašiti, čak naprotiv.

**Odgajanje djece kroz lahkomislenost i 'dug jezik'**  
Mnogi roditelji se osjećaju ponosnim i zadovoljnim kada vide svoje dijete kako žustro odgovara drugim ljudima, što nerijetko bude popraćeno obilnim psovka i ružnim riječima od strane djeteta. Idealno rješenje nije ni u drugoj krajnosti, tj. da dijete stalno šuti i ćutke podnosi sve provokacije i uznemiravanja. Idealno rješenje je ono središnje.

**Odgajanje djece u nedefinisanim odnosima unutar porodice i navikavanje djece na udoban život u raskoši**  
Djeca koja odrastu o ovakvim porodicama obavezno izrastaju u velike "gotovane", rasipnike i uobraženke. Sva pitanja društva (džemata) i društvenog života ih interesuju samo onoliko koliko vide sebe i svoj vlastiti interes u svemu tome.

Kao što kažu islamski učenjaci, muslimanka je pola društva, a u svome krilu odgaja drugu polovicu!

**Priušćavanje djeci svega što požele i zatraže**

Pojedini roditelji priušćavaju svojoj djeci apsolutno sve što ona zatraže bez ikakvog izuzetka. Takvi roditelji ne uče svoju djecu pravoj vrijednosti novca i ta djeca će sigurno izrasti u neodgovorne rasipnike koji će jedino biti sposobni za život od danas do sutra.

**Ispunjavanje dječijih želja usljed njihovog plača**  
Vrlo često se dešava da dijete traži nešto od roditelja i kad mu oni to odbiju dijete brizne u žestoki glasni plač, ne bi li na taj način postiglo željeni cilj. Roditeljima, naravno, taj plač vrlo brzo dosadi i oni požure da ispune "želju" svoga djeteta, bilo zbog toga što su se sažalili i smilovali na svoje čeljade ili jednostavno, zbog toga da ga ušute i "kutarišu" se njegovog plača. Ovo je jedna od najopasnijih grešaka u odgoju djece i ona neminovno rezultira slabošću duha i ličnosti kod djece.

**Strogost i čvrsta ruka, i više nego što je potrebno**  
Snažno udaranje svoga djeteta, svejedno da li se radi o jednom ili o više udaraca, rujanje djeci i njihovo ismijavanje zbog svake sitnice, vikanje na njih i nazivanje ružnim imenima i nadimcima.



## Početak i prvi period objave

S. El- Mubarekfuri

### Pećina hira

Kada se Resulullah, sallallahu alejhi ve sellem, približio četrdesetoj godini života, i kada su njegova zapažanja prošlosti i sadašnjosti rasvijetlila njegov um, jaz između njega i njegovog naroda se u mnogo čemu produbljivao. On tada zavoli samoću. Ponio bi sa sobom hrane i vode i odlazio u pećinu Hira na brdu Nur, koje je udaljeno od Mekke oko dvije milje. To je jedna lijepa pećina, duga četiri aršina a široka jedan aršin i tri četvrtine. On je provodio mjesec Ramazan u toj pećini, razmišljajući o opstanku i šta je poslije nestanka, kakve tajne krije život, a kakve smrt itd. Kada Resulullah s.a.v.s. napuni četrdesetu godinu, koja se smatra godinom čovjekove zrelosti, a kažu da su u tim četrdesetim godinama poslanici dobivali objave, počeo se javljati znaci poslanstva i u normalnom životu. Prvi tragovi su bili snovi er-ru'ja. Snovi su mu bili jasni i čisti kao jutarnje svitanje.

### Početak objave

Trećeg Ramazana Resulullahove, sallallahu alejhi ve sellem, osame u pećini Hira, Allah, dželle šanuhu, odlučio da spusti svoju milost na zemlju, da čovječanstvo počasti poslanstvom, pa posla Muhammedu, sallallahu alejhi ve sellem, Džibrila, meleka sa ajetima iz

Kur'ana. Uz kalendarske proračune i postojeće dokaze, mi možemo da potvrdimo da je objavljivanje Kur'ana počelo u ponedjeljak, dvadeset i prvog Ramazana, naveče, što odgovara desetom avgustu 610. godine po kalendaru. Resulullah, alejhisselam, je imao tada, tačno četrdeset mjesecvih godina i šest mjeseci i dvanaest dana ili oko trideset devet sunčevih godina i tri mjeseca i dvanaest dana. Aiša, r.a, nam pripovijeda priču o samom događaju, Džibril mu reče: "Uči!", a Muhammed, sallallahu alejhi ve sellem, odgovori: "Ja ne znam učiti", - pa nastavi: "Zatim me uze, pa me privuče sebi, a zatim me odmaknu od sebe. To uradi jako i snažno tri puta, a nakon trećeg puta reče: "Uči, čitaj, u ime tvoga Gospodara koji stvara, stvara čovjeka od ugruška! Čitaj, plemenit je Gospodar tvoj, koji poučava peru, koji čovjeka poučava onome što ne zna." (El-'Alaq 1-5) Resulullah sallallahu alejhi ve sellem se vratio uzbuđen i usplahiren, uđe kod Hatidže, r.a. i reče: "Prekrijte me, prekrijte me!" Smiriše ga dok ne ode od njega strah, ispriča šta mu se desilo, zatim reče "Strahovao sam za se", a Hatidža r.a. mu reče: "Ne, ne tako mi Boga, Allah te nikad neće osramotiti. Ti si čovjek, koji posjećuje rodbinu, pazi sirotinju, nadoknadi izgubljeni, ugosti gosta i uvijek pomaže i ustrajava na

istini." Hatidža ode sa Muhammedom, sallallahu alejhi ve sellem, kod svoga amidžića koji se zvao Vereka ibn Nevfel. On je u predislamsko doba primio kršćanstvo. Zatekli su ga kako prepisuje El-kitabul-ibranijj. Ispričaše mu šta se desilo, on sasluša pažljivo i reče: "Ovo je bio Božiji povjerenik (melek) kojeg je Allah poslao i Musau. Kamo sreće da sam mlađi, da hoću bogdo biti živ, kada te tvoj narod bude progonio. A Resulullah reče: "Zar će me oni progoniti?" Da, znaj, da ni jedan, koji je dolazio sa ovim kao ti, nije bio bez neprijatelja. Ako dočekam taj dan, svesrdno ću ti pomoći. Međutim, uskoro je Vereka umro, a objava je zastala. Prekid objave je trajao dani i za to vrijeme Rasulullahu sallallahu alejhi ve sellem je prošao strah i dobio je ponovo samopouzdanje. Ali ga je mnogo žalostilo što je objava zastala. Buharija prenosi od Džabira ibn Abdullaha. da je on čuo kako Resulullah, sallallahu alejhi ve sellem, pripovijeda prekid Objave i kaže: "Dok sam išao" (preko brda) čuh glas s neba. Podigoh pogled u visinu i ugledah meleka koji je dolazio u Hiru. Sjedio je na stolici koja je lebdjela između neba i zemlje, pa se prestraših njega i polegoh na zemlju. Potrčah kući i rekoh: "Pokrijte me, pokrijte me", pa me pokriše, a Uzvišeni Allah dž.š. objavi:

Nastavak na sledećoj strani

Prenosi se da je Allahov Poslanik, sallallahu alejhi ve sellem, klanjao noćne namaze tako da bi mu od dužine kijama oticala stopala i potkoljenice, pa kada je upitan zbog čega to čini, a Allah, dželle šanuhu, mu je oprostio ranije i kasnije grijehe, rekao je: "Zar da ne budem zahvalni rob?!"

(Muttefekun alejhi)



Ebu-Musa el- Es'ari r.a. pripovijeda da je Allahov Poslanik sallallahu alejhi ve sellem rekao: "Zaista Allah dželle šanuhu drži Svoju ruku ispruženom tokom cijele noći, primajući pokajanja onih koji su danju grijeshili, a danju pruža ruku, primajući pokajanja onih koji su noću grijeshili, sve dok sunce ne izađe sa zapada".

(Muslim)

**Pitanje:**

Ko prenosi hadise o dizanju ruku u dovi poslije namaza i kakva je njihova vjerodostojnost?

**Odgovor:**

Ovaj postupak je spomenut u tri nepouzdana hadisa. Prvi bilježi Ibn Suni, str. 53/138. U lancu prenosilaca ove predaje ima više mahana, a samo prisustvo Abdulaziza ibn Abdurrahmana dovoljan je razlog za odbijanje ovoga rivajeta. Za njega je imam Ahmed rekao da je lažov. Vidi El-džerhu vet-tadil, 5/388, Ed-duafau vel-metrukine, 2/5, Mizanul-iatidal, 4/367, Lisanul-mizan, 4/34, El-medžruhine, 2/138, El-kamil fid-duafa, 5/289. Drugi hadis zabilježio je imam Taberanije u El-kebiru, 13/129. Imam Hejsemi u El-medzmeau, 10/169 tvrdi da su ravije ove predaje pouzdane. Međutim, lanac ovoga hadisa je prekinut i to između Muhammeda ibn Ebi Jahje i Abdullaha ibn Zubejra. Druga mahana jeste Dufajl ibn Sulejman koji je nepouzdan, što pobija mišljenje imama Hejsemija. Vidi El-džerhu vet-tadil, 7/72, Et-takrib, 2/119 i Tashihud-dua, str. 440. Treći hadis bilježi Ibn Ebi Hatim u svom Tefsiru. Ovaj hadis je došao putem Alija ibn Zejda ibn Džedana koji je nepouzdan kod muhadisa. Vidi El-llel, 1/227, El-džerhu vet-tadil, 6/186, Tehzibul-kemal, 20/439, Takribut-tehzib, 2/43 i Kasasul-enbija, 475. Predaja Ibn Ebi Hatima je prenesena iz Tefsira Ibn Kesira 1/555, i kao takva nije prisutna u današnjim štampanim primjercima Tefsira Ibn Ebi Hatima, Allah, s.v.t., najbolje zna. Ovu predaju zabilježio je i imam Taberi, 3/421/8127 u nešto izmjenjenom obliku.

**mr. Safet Kuduzović**

**"O ti pokriveni, ustani i opominji! I Gospodara svoga veličaj! I haljine svoje očisti! I kumira se kloni".** (El-Muddessir 1-5) Zatim je Objava poslije toga redovno dolazila.

**Prvi muslimani**

Objavu Kur'ana možemo podijeliti u dva vemenska periodai to su: Mekkanska Objava i Medinska Objava. A Mekkanski period Objave možemo podijeliti u tri razdoblja i to: tajno pozivanje u Islam (traje tri godine), javno pozivanje stanovnika Mekke u Islam (od početka četvrtne godine) i period pozivanja u Islam ljudi izvan Mekke (ovaj period počinje krajem desete godine i traje sve do hidžre u Medinu. Poslanik sallallahu alejhi ve sellem, pozva prvo svoju porodicu da slijede njegovo ubjedenje, a zatim pozva i svakog onoga koga je dobro poznao i za koga je znao da je dobar čovjek. Pozva one u koje je bio siguran da vole Jednog Allaha, dželle šanuhu, da vole istinu i pravdu i koji poznaju njega Mumammeda, sallallahu alejhi ve sellem. sa svim njegovim vrlinama i osobinama. Oni mu se odazvaše, ne svi, ali se odazvaše oni koji nikada nisu posumnjali u ličnost i veličinu Resulullaha, sallallahu alejhi ve sellem i u njegove riječi. To je na prvom mjestu bila njegova supruga Hatidža, r.a, majka pravovjernih, a zatim njegov štićenik Zejd ibn Haris r.a, te njegov amidžić Alija ibn Ebi Talib r.a., dječak koji je živio kod Resulullaha, sallallahu alejhi ve sellem i

kojeg je on odgajao, i na kraju njegov vjerni prijatelj Ebu Bekr Es-Siddik r.a.. Ova grupica od četvoro najdražih bića, primiše Islam, prvog dana Resulullahovog djelovanja kao Allahovog Poslanika. Nakon ovoga Ebu Bekr r.a. je počeo aktivno djelovati na širenju Islama. Bio je pogodna osoba, obljubljen kod naroda i veoma uvažavan zbog svog pristojnog načina života. Ljudi su ga pitali za savjet, jer je posjedovao veliko znanje i iskustvo. On je počeo pozivati u Islam one, u koje je bio sasvim siguran, one, s kojima se družio i kojima je vjerovao. Od njega je primio Islam: Osman ibn Affan r.a., Zubejr ibn El-Avvam r.a., Abdurrahman



ibn Avf r.a., Sa'd ibn Ebi Vekas r.a. i Talha ibn Ubejdullah r.a.. Ova osmorka je prva prethodnica ostalim, koji će primiti kasnije Islam. Među prvim muslimanima je i Bilal ibn Rebbah r.a., a slijedili su zatim: Ebu Ubejde Amir ibn El-Džerrah, Ebu Selema ibn Abd El-Esed, Erkam ibn Ebu Erkam, Osman ibn Ma'zum i njegova dva brata Kudamet i Abdullah, zatim, Ubejdah ibn El-Haris, Seid ibn Zejd i njegova žena Fatima, kći Hattaba El-Adevije ili sestra Omer ibn Hattaba, Habbab ibn El-Eret i Abdullah ibn

Mes'ud i još neki drugi. Ovo su bili prvi muslimani, ljudi iz svih kurejšijskih porodica. Ibn Hišam ih je nabrojao više od četrdeset. Ibn Ishak kaže: "Zatim poče narod primati Islam i muško i žensko, tako da se o Islamu poče pričati u Mekki. Svi, prethodno spomenuti ljudi, primiše Islam tajno, Resulullah, sallallahu alejhi ve sellem, se sastajao s njima na određenim mjestima i tumačio im Islam, daleko od očiju javnosti. Njegova misija je još uvijek bila: misija pojedinačnog, tajnog pozivanja u Islam. Također u ovom periodu tajnog pozivanja došla je naredba i o namazu, ali samo ujutro i uvečer, a tek kasnije, za vrijeme miradža, dolazi naredba o pet dnevnih namaza. To potvrđuje i Kur'anski ajet: „I Gospodara svoga krajem i početkom dana veličaj i hvali“ Ibnu Hišam je naveo u svojoj Siri, da je Resulullah, s.a.v.s. sa svojim drugovima odlazio u vrijeme namaza u klanac i kriomice bi klanjali, da ih ne bi narod vidio. Ebu Talib je vidio jedanput Resulullaha, s.a.v.s. i Aliju r.a. da klanjaju, pa im je to prigovorio, a kada je saznao o čemu se radi, naredio im je da budu ustrajni i nepokolebljivi.

**Preuzeto iz knjige: "ZAPEČAĆENI DŽENNETSKI NAPITAK". U idućem broju inšAllah: "Javno pozivanje kurejšija u Islam."**

**El-Asr**

# Fluor - najveća naučna prevara 20-tog vijeka



1. Fluoridi ometaju sintezu kolagena što dovodi do njegovog razlaganja u kostima, tetivama, mišićima, koži, hrskavičavom tkivu, plućima, bubrezima i traheji. [A.K. Susheela and Mohan Jha, "Effects of Fluoride on Cortical and Cancellous Bone Composition," IRCS Medical Sciences: Library Compendium, Vol. 9, No.11, pp. 1021-1022 (1981); Y. D. Sharma, "Effect of Sodium Fluoride on Collagen Cross-Link Precursors," Toxicological Letters, Vol. 10, pp. 97-100 (1982); A. K. Susheela and D. Mukerjee, "Fluoride poisoning and the Effect of Collagen Biosynthesis of Osseous and Nonosseous Tissue," Toxicological European Research, Vol. 3, No.2, pp. 99-104 (1981) i mnogi drugi izvori koje nismo naveli zbog obima teksta]
2. Fluoridi stimuliraju stvaranje granulata i potrošnju kiseonika u bijelim krvnim ćelijama, ali sprečavaju taj proces kada je bijela krvna ćelija izložena dejstvu neke strane supstance u krvi. [Robert A. Clark, "Neutrophil Iodination Reaction Induced by Fluoride: Implications for Degranulation and Metabolic Activation," Blood, Vol. 57, pp. 913-921 (1981)]
3. Fluoridi smanjuju energetske rezerve i sposobnost bijelih krvnih zrnaca da uništavaju strane materije procesom fagocitoze. Čak i mikro-molarne količine fluorida, ispod 1ppm (1-og dijela na milion dijelova) mogu ozbiljno da suzbiju sposobnost bijelih krvnih zrnaca da uništavaju patogene mikro-organizme. John Curnette, et al, "Fluoride-mediated Activation of the Respiratory Burst in Human Neutrophils," Journal of Clinical Investigation, Vol. 63, pp. 637-647 (1979); W. L. Gabler and P. A. Leong, ., "Fluoride Inhibition of Polymorphonuclear Leukocytes," Journal of Dental Research, Vol. 48, No. 9, pp. 1933-1939 (1979); W. L. Gabler, et al., "Effect of Fluoride on the Kinetics of Superoxide Generation by Fluoride," Journal of Dental Research, Vol. 64, p. 281 (1985); A. S. Kozlyuk, et al., "Immune Status of Children in Chemically Contaminated Environments," Zdravookhranenie, Issue 3, pp. 6-9 (1987)]
4. Fluoridi zbunjuju imuni odbrambeni sistem i podstiču ga da napada tkiva svog vlastitog tijela i povećavaju brzinu rasta tumora kod ljudi koji su podložni raku. [Alfred Taylor and Nell C. Taylor, "Effect of Sodium Fluoride on Tumor Growth," Proceedings of the Society for Experimental Biology and Medicine, Vol. 119, p. 252 (1965); Shiela Gibson, "Effects of Fluoride on Immune System Function," Complementary Medical Research, Vol. 6, pp. 111-113 (1992);" i mnogi drugi izvori]
5. Fluor sprječava stvaranje antitijela u krvi. [S. K. Jain and A. K. Susheela, "Effect of Sodium Fluoride on Antibody Formation in Rabbits," Environmental Research, Vol. 44, pp. 117-125 (1987)]
6. Fluoridi ometaju rad štitne (tiroidne) žljezde. [Viktor Gorlitzer Von Mundy, "Influence of Fluorine and Iodine on the Metabolism, Particularly on the Thyroid Gland," Muenchener Medicische Wochenschrift, Vol. 105, pp. 182-186 (1963); A. Benagiano, "The Effect of Sodium Fluoride on Thyroid Enzymes and Basal Metabolism in the Rat," Annali Di Stomatologia, Vol. 14, pp. 601-619 (1965); Donald Hillman, et al., "Hypothyroidism and Anemia Related to Fluoride in Dairy Cattle, itd.]
7. Fluoridi ispoljavaju štetna dejstva na razna tkiva u tijelu čovjeka. [T. Takamori "The Heart Changes in Growing Albino Rats Fed on Varied Contents of Fluorine," The Toxicology of Fluorine Symposium, Bern, Switzerland, Oct 1962, pp. 125-129; Vilber A. O. Bello and Hillel J. Gitelman, "High Fluoride Exposure in Hemodialysis Patients," American Journal of Kidney Diseases, Vol. 15, pp. 320-324 (1990); Y. Yoshida, "Experimental Studies on Chronic Fluorine Poisoning," Japanese Journal of Industrial Health, Vol. 1, pp. 683-690 (1959)]
8. Fluoridi pospješuju razvoj raka kostiju. [J.K. Mauer, et al., "Two-Year Cacinogenicity Study Of Sodium Fluoride In Rats," Journal of the National Cancer Institute, Vol. 82, pp. 1118-1126 (1990); Proctor and Gamble "Carcinogenicity Studies with Sodium Fluoride in Rats" National Institute of Environmental Health Sciences Presentation, July 27, 1985; S. E. Hrudley et al., "Drinking Water Fluoridation and Osteosarcoma," Canadian Journal of Public Health, Vol. 81, pp. 415-416 (1990); P. D. Cohn, "A Brief Report on the Association of Drinking Water Fluoridation and Incidence of Osteosarcoma in Young Males i još mnogo drugih studija]
9. Fluoridi izazivaju preuranjeno starenje kod ljudi. [Nicholas Leone, et al., "Medical Aspects of Excessive Fluoride in a Water Supply," Public Health Reports, Vol. 69, pp. 925-936 (1954); J. David Erikson, "Mortality of Selected Cities with Fluoridated and Non-Fluoridated Water Supplies," New England Journal of Medicine, Vol. 298, pp. 1112-1116 (1978);" i drugi izvori]
10. Ingestija fluora uz pomoć sredstava za ispiranje usta i sprječavanje karijesa kod djece je veoma opasna za njihov biološki razvoj, životni vijek i opšte zdravstveno stanje. [Yngve Ericsson and Britta Forsman, "Fluoride Retained From Mouth Rinses and Dentifrices In Preschool Children," Caries Research, Vol. 3, pp. 290-299 (1969); W. L. Augenstein, et al., "Fluoride Ingestion In Children: A Review Of 87 Cases," Pediatrics, Vol. 88, pp. 907-912, (1991); Charles Wax, "Field Investigation Report," State of Maryland Department of Health and Mental Hygiene,

Nastavak na sledećoj strani



March 19, 1980, 67 pages; George Waldbott, "Mass Intoxication from Over-Fluoridation in Drinking Water," *Clinical Toxicology*, Vol. 18, No.5, pp. 531-541 (1981)]

### Ostale činjenice

Sadržaj jedne tube zubne paste sa fluorom dovoljan je da usmrti dijete. U 1991.g. Regionalni Toksikološki Centar u mjestu Akron, Ohio, USA, prijavio je smrtni slučaj kao posljedicu ingestije 16mg/kg fluorida. Samo 2 grama fluorida dovoljna su da ubiju odraslog čovjeka. Jedna zubna pasta sa fluorom sadrži 1mg/gram fluorida. Fluoridi se koriste za kontrolu i modifikaciju raspoloženja i ponašanja ljudi. Poznato je da su spojevi fluorida dodavani u pijaću vodu zatvorenika kako bi ih se držalo poslušnim i kako bi ih se spriječilo da se suprotstavljaju autoritetima, kako u nacističkim logorima za vrijeme Drugog Svjetskog Rata, tako i u sovjetskim gulazima u Sibiru. Fluoridi su medicinski klasificirani kao protoplazmatički otrovi, i koriste se za trovanje pacova. U septembarskom izdanju 1943.g. *Žurnala Američke Medicinske Asocijacije*, (the *Journal of the American Medical Association*), tvrdi se sljedeće, "Fluoridi su generalni protoplazmatički otrovi koji mijenjaju propustljivost ćelijske membrane inhibicijom određenih enzima. Tačan mehanizam ovakvog njihovog dejstva još uvijek je nepoznat." Konzumiranjem fluorida kod ljudskih bića se generalno povećava stopa smrtnosti od raka. 1975.-te g. Dr. John Yiamouyiannis je objavio preelimirne rezultate naučnog istraživanja koji su pokazali da ljudi koji žive u područjima fluoridizacije pijaće vode imaju veću stopu smrtnosti od raka od onih koji žive u područjima gdje se fluoridizacija vode ne odvija. Američki Nacionalni Institut za Kancer (National Cancer Institute) pokušao je da odbaci ovaj naučni rad, međutim, doktoru Yiamouyiannis-u se iste godine pridružio i Dr. Dean Burk, koji je bio glavni hemičar istog instituta do 1974. Oni su zajednički obavili dodatne studije i njihovi rezultati su kasnije uključeni u Kongresni Izvještaj kongresmena Delaney-a, koji je bio autor tzv. Delaney Amandmana, kojima se zabranjivalo dodavanje kancerogenih supstanci u ljudsku hranu. Ovi izvještaji su potvrđivali vezu između fluoridizacije i raka. Fluor nema skoro nikakvog efekta u preventivi kvarenja zuba kod ljudi. Na Novom Zelandu, 1990-te godine, Dr. John Colquhoun je natjeran da se prijevremeno penzionise nakon što je obavio jednu naučnu studiju na 60000 djece školskog uzrasta i dokazao da ne postoji nikakva razlika u stopi kvrljivosti zubi kod djece koja žive na područjima gdje se obavlja fluoridizacija vode od onih koji žive na područjima gdje se to ne čini. On je čak pronašao i to da veliki broj djece u fluoridiziranim područjima pati od dentalne fluoroze. Dr. John Colquhoun je javno objavio rezultate ovog svog istraživanja. Ne postoje naučni dokazi koji potvrđuju da su sredstva za ispiranje usta na bazi fluorida i tablete bezbjedni za korištenje kod ljudi. 1989-te godine, Hildebolt,

et al. sprovede naučnu studiju na 6,000 djece školskog uzrasta čiji rezultati dokazuju da nema nikakve koristi od korištenja natrijum-fluorida. Naučni rad sproveden 1990.g. od strane Dr. John Yiamouyiannis-a na 39000 školske djece takođe potvrđuje da nema nikakve koristi od korištenja natrijum fluorida. 1992-ge godine, Michael Perrone, asistent advokatske kancelarije u New Jersey-u, USA, podnio je zahtjev Američkom Zavodu za Zaštitu Zdravlja (FDA) da mu pruže sve informacije o bezbjednosti korištenja i djelotvornosti preparata fluora u obliku tableta i kapi. Nakon 6 mjeseci otezanja, Zavod za Zaštitu Zdravlja je priznao da nemaju nikakve podatke koji ukazuju na to da su ovi preparati djelotvorni i bezbjedni za korištenje. Oni su obavijestili Perrone-a da će "vjerovatno morati da povuku te preparate sa tržišta." Činjenica je, takođe, da aluminijum u koji su zubne paste pakovane, pojačava dejstvo fluorida na tijelo čovjeka. [Istovremeno, aluminium oksid je u većini slučajeva ono što zubnim pastama daje bijelu boju.] 1976-te godine, Dr. D. Allman i njegovi saradnici sa Medicinskog Fakulteta Univerziteta Indiane (Indiana University School of Medicine), davali su životinjama 1 dio-na-milion (ppm) fluorida i otkrili da kod prisustva aluminijuma u koncentraciji od samo 20 dijelova na milijardu, fluorid je u stanju da prouzrokuje porast nivoa cikličnog AMP. Ciklični AMP sprječava pokretljivost bijelih krvnih ćelija kao i njihovu sposobnost uništavanja patogenih mikroorganizama. [Journal of Dental Research, Vol. 55, Sup B, p. 523, 1976, "Effect of Inorganic Fluoride Salts on Urine and Tissue Cyclic AMP Concentration in Vivo".] "Fluoridizacija je najveća naučna prevara u ovom stoljeću" [Izjava Robert-a Carlton-a, Ph. D., bivšeg naučnika Zavoda za Zaštitu Prirodne Okoline, USA, (EPA), 24 novembra, 1992.g. u radio emisiji "Marketplace" (Canadian Broadcast Company)] "U vezi fluoridizacije, Američki Zavod za Zaštitu Prirodne Okoline (EPA) mora odmah da dejstvuje kako bi zaštitio ljude; ne samo zbog podataka u vezi raka, nego i svih dokaza o osteoporozi, artritisu, mutagenim i drugim efektima." William Marcus, Ph. D., toksikolog EPA Covert Action, Fall 1992, p. 66

Zaista jedini izlaz za čovječanstvo, bilo za kompletne nacije ili za pojedinca, bilo u vezi uređenja zdrave države ili u vezi osnivanja zdrave porodice, od moralnih normi i njihovog ispravnog shvatanja do pravno-sudskih rješenja i njihovog realizovanja, od svakodnevnih odnosa među ljudima do obaveza i odnosa svih stvorenja prema svome Gospodaru Allahu subhanehu ve te'ala, od najsitnijih do najvećih stvari je u Islamu. Rekao je Allahov Poslanik sallallahu 'alejhi ve sellem: "Kada ne bih o svome otežao svome ummetu, naredio bih mu da upotrebljava misvak pri svakom namazu." (Muttefekun 'alejhi) Od Huzejfe, r.a., se prenosi da je rekao: "Kada bih Allahov Poslanik ustao iza sna, trljao bih usta misvakom." (muttefekun alejhi)

# Prepoznaj sihirbaza

Da'ija Sedin Gulamić

Hvala Allahu Gospodaru svih svjetova i neka je salavat i selam na Allahovog Poslanika sallallahu alejhi ve sellem. Nalazimo se u jako teškim vremenima gdje je sihr uveliko rasprostranjen. Kada malo pogledamo vidjećemo gdje god se neko pojavi ko otklanja sihr na bilo koji način, dozvoljen ili strogo zabranjen, vidjećemo da mnogo ljudi kod njega dolazi; što nam samo ukazuje da mnogo ljudi ima problema sa sihrom. Oni traže lijeka ne gledajući kod koga, i na koji način će otkloniti taj sihr. O sihru ćemo inšaAllah pisati drugi put. Pitamo se kako ćemo prepoznati sihirbaza. Ako nađeš samo jedan od dole navedenih znakova kod onoga koji liječi, znaj da je on sihirbaz bez ikakve sumnje. To su ovi znakovi:

1. Pita bolesnika o njegovom imenu i imenu njegove majke;
2. Uzima neke privatne bolesnikove stvari (odjeća, maramice, sliku itd);
3. Ponekad zahtjeva da mu se dovede životinja određenih osobina i da se zakolje bez spominjanja Allahovog imena, ponekad njenom krvlju namaže bolesna mjesta ili baci žrtvu na pusto mjesto;

4. Piše talismane (vradžbine ili zapise);

**Šejtani su nevjernici, podučavaju ljude vradžbini...A njih dvojica nisu nikoga podučili sve dok mu ne bi rekli: 'Mi samo iskušavamo, i ti ne budi nevjernik!' I ljudi su od njih dvojice učili kako će muža od žene rastaviti"**

(Sura El-Beqare:102)

5. Učenje čarolija i izgovaranje nerazumljivih talismana;

6. Daje bolesniku zapise koji se sastoje od trougla ili četverougla na kojima su slova i brojevi;

7. Naređuje bolesniku da se izdvoji od ljudi jedan određen period, boraveći u sobi u koju ne ulazi sunčeva svjetlost;

8. Ponekad traži od bolesnika da se ne pere vodom jedan određen period; u glavnom 40 dana;

9. Daje bolesniku stvari koje će pokopat u zemlju;

10. Daje bolesniku papire koje će spaliti i nakaditi se na njima;

11. Priča nerazumljivim govorom;

12. Ponekad sihirbaz obavještava bolesnika o njegovom imenu i imenu grada iz kojeg dolazi i o problemu zbog kojeg je došao;

13. Piše bolesniku isprekidana slova na papir (zapis) ili na posuđu od grnčarije bjele boje a onda naređuje bolesniku da to restapa u vodi i pije.

Ako saznaš da se radi o čovjeku sihirbazu dužnost ti je da mu ne ideš, a ako mu odeš, onda za tebe važe ove poslanikove riječi: *Ko ode vračaru i povjeruje u ono što je rekao, porekao je ono što je objavljeno Muhammedu sallallahu alejhi ve sellem.*

Od Ebu Hurejre, radiallahu anhu se prenosi da je Allahov Poslanik, sallallahu alejhi ve sellem rekao:

*"Čuvajte se sedam upropaštavajućih djela." Rekli su: "O Allahov Poslaniče, koja su to djela?". Odgovorio je: "Širk, sihr, bespravno ubistvo, jedenje kamate, jedenje imetka siročeta, bježanje sa bojnog polja i potvora čestitih vjernica."*

U drugom hadisu kojeg također prenosi Ebu Hurejre, Poslanik, alejhisselam, je rekao: *"Ko ode vračaru ili gataru i povjeruje u ono što je on rekao, ne prima mu se namaz 40 dana."* A u drugoj predaji: *"Nevjernik u ono što je objavljeno Muhammedu, alejhisselam."* (Ebu Davud)

**Rekao je Poslanik sallallahu alejhi ve sellem: "Ne pripada meni onaj ko ne iskaže milost prema našim najmlađim niti onaj ko ne poštuje prava starijih."**

**(bilježe Ahmed i Hakim)**



**Allahov Poslanik sallallahu alejhi ve sellem je rekao: "U mome će Ummetu biti i onih koji će smatrati dozvoljenim blud, svilu, opojna pića i muziku."**

**bilježe Buharija, Ahmed, Ibn Madže I drugi**

## Podjela hadisa

Uzvišeni Gospodar kaže: **"Reci (o Muhammede): Ako Allaha volite, mene slijedite i vas će Allah voljeti i grijehe vam oprostiti- a Allah prašta i Samilostan je"** (Sura Ali-Imran:31) Ebu-Hurejre r.a. prenosi da je Allahov Poslanik sallallahu alejhi ve sellem rekao: **"Svi moji sljedbenici ući će u Džennet, osim onih koji to ne htjednu"** Neko reče: **"A ko to neće Allahov Posnaliče? Ko mi se bude pokoravao - taj će ući u Džennet, a ko mi se suprostavi - taj neće"** odgovori Resulullah. (Bilježi Buharija)

Sama činjenica da je hadis drugi izvor Šerijata dovoljno govori o opasnosti njegovog nepoznavanja i suprotno tome hajru njegovog poznavanja. Onaj ko ne poznaje dovoljno sunnet Allahovog Poslanika sallallahu alejhi ve sellem u opasnosti je da učini nešto što je haram ili pak da uradi nešto za što očekuje nagradu, ali ona izostane jer posao nije urađen onako kako to propis zahtijeva. Pojedini ashabi su prelazili velike razdaljine da bi pitali Poslanika alejhisselam o onome što ih je interesovalo ili što im je bilo nejasno. Nakon preseljenja Poslanika sallallahu alejhi ve sellem na ahiret briga, požrtvovanje i traženje njegovog sunneta još više su se povećali. Tabi'in Imam Seid ibn Musejgeb kaže: "U traženju samo jednog hadisa znao sam putovati danima." Jezičko

značenje riječi "hadis" u arapskom jeziku je: govor, kazivanje, pripovijedanje. Terminološka definicija hadisa tj. značenje koje koristi islamska ulema jeste: sve ono što se pripisuje Poslaniku sallallahu alejhi ve sellem, od njegovog govora, postupaka ili prešutnog odoravanja. Podjela hadisa ima više zavisno od aspekta s kojeg se dotična podjela posmatra. Mi ćemo inšaAllah spomenuti samo najvažnije podjele hadisa.

### Razlika između hadisi-kudsija i Poslanikova hadisa

Terminološki: hadisi-kudsijj jeste sve ono što je Poslanik sallallahu alejhi ve sellem pripisao Uzvišenom Allahu; ono što Poslanik sallallahu alejhi ve sellem prenosi da je to Allahov govor. Poslanik sallallahu alejhi ve sellem je prenosilac Allahova govora svojim riječima i u njemu se kaže:

> Rekao je Resulullah sallallahu alejhi ve sellem, prenoseći od svoga g o s p o d a r a i l i

> Rekao je Resulullah sallallahu alejhi ve sellem: **"Rekao je Uzvišeni Allah"** ili **"Kaže Izvišeni Allah"**. Zbog toga je takav hadis nazvan kudsijem, za razliku od Poslanikova hadisa koji može da bude poučen vahjom (tewkifij) a može nastati na osnovu idžtihada ( t e w f i k i j j )

• hadis-tewkifijj: jeste hadis čiji je sadržaj Poslanik, sallallahu alejhi ve sellem, primio putem vahja, te ga

objasnio ljudima svojim govorom. Ova vrsta, iako se njegov sadržaj pripisuje Allahu, on se - kao govor - slobodno može pripisati Resulullahu alejhisselam, jer se govor pripisuje onome ko ga kaže, makar on i imao u sebi značenje koje je primio od nekog drugog;

• hadis-tewfikijj: jeste onaj hadis koji je Resulullah alejhisselam, rekao na osnovu svog razumijevanja Kur'ana, jer mu je on pojašnjen, ili ga je rekao nakon razmišljanja i truda. Ovu vrstu hadisa, koji su nastali na osnovu izvođenja zaključaka i idžtihada, vahj potvrđuje ukoliko su ispravni, a ako bude u njima barem i djelimična greška, tada dolazi vahj koji ih ispravlja. Primjer toga su zarobljenici na Bedru. Poslanik, sallallahu alejhi ve sellem, prihvatio je mišljenje Ebu Bekra r.a. i uzeo od njih otkupninu, pa dolazi vahj koji ga kori: **"Nije vjerovjesniku dozvoljeno da drži sužnje.."** (Sura El-Enfal:67)

### Podjela hadisa na osnovu toga do koga doseže sened

1. Merfu' - to je onaj hadis čiji sened (lanac) prenosilaca doseže do Allahovog Poslanika, alejhisselam. Ovdje spadaju i riječi ashaba, poput: "Radili smo u vrijeme Allahovog Poslanika", "Naređeno nam je...", ili: "Zabranjeno nam je...", i tome slično.
2. Mevkuf - to je onaj hadis čiji je sened "zaustavljen" na



ashabu i ne doseže do Allahovog Poslanika, alejhisselam, osim onog govora ashaba kojeg smo spomenuli pod "merfu" 3. Maktu' - to je onaj hadis čiji je sened "prekinut"; ne doseže ni do ashaba, nego su to riječi ili postupci tabi'ina.

#### Podjela hadisa na osnovu njegove vjerodostojnosti ili slabosti

Sahih - hadis koji ispunjava p e t u s l o v a :

1. spojenost lanca prenosilaca, tj. seneda (da ne nedostaje ni jedan prenosilac u njemu, kako ne bi lanac prenosilaca bio prekinut);
  2. da su svi prenosioci pouzdani i povjerljivi;
  3. da su svi prenosioci precizni u prenošenju hadisa;
  4. da se taj hadis ne suprotstavlja (po značenju) nekim drugim vjerodostojnim p r e d a n j i m a ;
  5. da ne sadrži u sebi neku skrivenu mahanu (ille).
- 0 svakom ovom uslovu može se pojedinačno detaljnije govoriti, a mi ćemo se zadovoljiti spomenutim. Na kraju se može zaključiti da je hadis sahih vjerodostojan (prihvatljiv), samim tim služi kao dokaz za neki islamski p r o p i s .
- Hasen hadis - koji je ispod sahiha po vjerodostojnosti, ali i pored toga nije pao na nivo onog predanja koje se ne može uvažiti kao dokaz za neki vjerski propis. Tu se obično radi o hadisima čiji su prenosioci pouzdani i prihvatljivi, ali im je preciznost u prenošenju malo slabija nego kod onih koji prenose sahih hadis.
- Daif (slab) hadis - to je hadis koji je izgubio jedan ili više

uslova koji važe za sahih hadis. U ovu vrstu spada i *hadis mevdu*, a to je predanje koje je apokrifno, tj. izmišljeno i pripisanoj Božijem Poslaniku, sallallahu alejhi ve sellem.

#### Podjela hadisa na osnovu broja prenosilaca i broja predanja

- Mutevatir-hadis: koji prenosi toliki broj prenosilaca u svakoj generaciji da je nemoguće da su pogriješili, ili da su se, uslovno rečeno, dogovorili da slažu na Allahovog Poslanika, sallallahu alejhi ve sellem. Oni ga prenose jednim od izraza koji upućuju na izravnost primanja tog predanja od prethodnika, kao što su: čuo sam, rekao je, vidio sam...Što se tiče broja prenosilaca, jedan dio uleme pokušao je da ga odredi, međutim, ispravno je da nema određenog broja prenosilaca na osnovu kojeg se ocjenjuje hadis kao mutevatir. Razlog za to je i činjenica da ako su prenosioci pouzdaniji i precizniji u prenošenju, zadovoljit će njihov manji broj, i obratno.
- Ahad-hadis: koji ne ispunjava uslove mutevatir hadisa u pogledu broja prenosilaca. Ova vrsta hadisa se dijeli na tri podvrste: => garib-hadis - u čijem se senedu, u bilo kojem njegovom dijelu, pojavi samo jedan prenosilac u svojoj g e n e r a c i j i ; => aziz-hadis koji ne prenose manje od dvojica u svakoj generaciji tokom čitavog s e n e d a ; => mešhur-hadis koji u svakoj generaciji prenose trojica prenosilaca ili više, a nije

dostigao stepen mutevatira. Kod ove vrste hadisa važno je napomenuti i to da se naziv "mešhur" što znači poznat, r a š i r e n , p o n e k a d upotrebljava i u svom jezičkom značenju, te se tako za hadis kaže da je mešhur, a u stvari je poznat i raširen među narodom, ali ne i mešhur po navedenoj definiciji. Primjer takvog hadisa je: "Allahu najmrže dozvoljeno djelo jeste razvod braka." (Bilježi Hakim u svom djelu "El-Mustedrek", rekavši je da je sahih, ali je ispravno da je hadis daif).


#### Podjela hadisa na osnovu toga u kojem dijelu seneda je došlo do njegovog prekida

Mursel - to je hadis koji prenosi tabi'in direktno od Vjerovjesnika, alejhisselam, a on ga nije mogao čuti od Resulullaha, alejhisselam; Munkati - to je hadis kojem je "prekinut" lanac prenosilaca; tako nedostaje jedan prenosilac, osim a s h a b a ; Mu'allek - to je hadis kojem na početku seneda nedostaje jedan ili više prenosilaca, pa makar ostao samo ashab koji prenosi od Allahovog Poslanika, alejhisselam. U osnovi, navedene tri vrste hadisa pod ovim naslovom jesu daif. To se da zaključiti iz same činjenice da je lanac prenosilaca prekinut, a ranije smo spomenuli da je prvi uslov za sahih hadis da sened bude spojen. Međutim, to ne mora da znači da se ovakav hadis ne može dići na stupanj hasena, ako se nađe dovoljan broj predanja koja će ga ojačati.

El-Asr

Kaže Resulullah sallallahu alejhi ve sellem: *"Kada biste se vi istinski na Allaha dželle šanuhu oslanjali, On bi vas opskrbljivao kao što opskrbljuje ptice, one osviču gladne, a vraćaju se (u svoje prebivaliste) site."*

(bilježi Tirmizi)



Rekao je Poslanik sallallahu alejhi ve sellem: *"Ko bude volio u ime Allaha, mrzio u ime Allaha, davao u ime Allaha i zabranjivao u ime Allaha taj je upotpunio svoj iman."* (Muttefekun alejhi)

El Berra pripovjeda: Dok smo kopali hendek ispriječi nam se stijena koju nismo mogli razbiti krampom. Požalili smo se Resulullahu alejhisselam. On dođe, uze krampu i reče: "U ime Allaha", zatim udari jednim zamahom i reče "Allahu ekber!", tada se otkide komad. Resulullah alejhisselam reče: "Dobio sam ključeve Šama, tako mi Allaha vidim njegove crvene dvorce ovog momenta, potom zamahnu drugi put i udari. Otpade i drugi komad, a on reče: "Allahu ekber! Osvojit ću Perziju, tako mi Allaha, ja vidim bijele dvore na trgovima, sada. Zatim udari i treći put i reče: "Bismillahi – u ime Allaha – pa se izdrobi ostatak stijene, a on reče: "Dobio sam ključeve Jemena, tako mi Allaha, s ovog mjesta vidim vrata San'e.

(Ibn Hišam, II/219, slično ovome pripovijeda Ibn –Ishak od Selmana Farisije radiallahu anhum, Ibn Hišam III/330,331)



Sana–Jemen

## Islamska država od Španije do Kine

M. Spahić, "Povijest Islama"

Nakon što je Usman r.a. izabran za halifu nastavio je što se tiče vanjske politike i osvajanja nastavio je stopama svojih prethodnika. U njegovo vrijeme nastavljeni su ratovi sa Bizantincima i Perzijancima. U Usmanovo vrijeme pokoreni su Azerbejdžan i dijelovi Ermenije. U to vrijeme 652. poginuo je posljednji perzijski vladar Jedidžerd u kolibi nekog mlinara blizu Merva. Bio je žrtva gramzivosti nekog sunarodnika.

Pogibijom Jezdidžerda bio je zadan posljednji udrac nekada moćnoj perzijskoj državi. U vrijeme h. Usmanska mornarica zaslugom dvojice namjesnika

Muavije, u Siriji, i Abdulaha ibn Sada ibn ebi Sarha u Egiptu. Pošto je Kipar bio dosta blizu sirijske granice, pa je mogao postati opasan za sigurnost Sirije, Muavija ga je osvojio 649. godine. Muslimani su prvi put ušli u Evropu. Bila je to prva pomorska bitka i prvi otok pripojen islamskoj državi, kao dio Evrope. Slijedeće 650. zauzet je otok Aruad, blizu obale. Godine 652. Abdullahusarhu pošlo je za rukom da odbije od Aleksandrije nadmoćniju grčku mornaricu. Godine 654. Muslimani su se iskricali na otok Rodos. Slijedeće 655. u blizini Rodosa, nedaleko od likijske obale, u Maloj Aziji,

došlo je do najslavnije pomorske bitke u ovom vremenu. Sirijsko-egipatska flota pod zapovjedništvom Muavije i Abdullaha uništila je bizantsku mornaicu sa oko 500 lađa. Car Konstantin koji je zapovijedao bizantskom mornaricom, jedva je bijegom spasio život. Ovom bitkom zapečaćena je nadmoć bizantske mornarice. Samo zbog unutarjih nereda, muslimani nisu iskoristili ovu pomorsku pobjedu i nisu

Tarik ibni Zijad. Tada u prekomorskoj Španiji kordovski vojvoda diže ustanak protiv kralja Filipa. Vođu ustanka kralj je oslijepio. Da bi osvetio oca, vojvodin sin Roderik digne se protiv kralja i porazi ga. Kralj je poginuo a sinovi mu pobjegoše u Afriku i zatražiše pomoć od Nusajra, da pošalje vojsku u Španiju i da je osvoje. Pošto je dobio odobrenje od halife, Nusajr odredi Tarika i dodijeli mu

12.000, a po Hitiju 7.000, konjanika. Kada je iskrcao vojsku kod današnjeg Gibraltara, Džebelut-Tarika, naredio je da se spale lađe, a vojsci je rekao: "Neprijatelj je pred vama, a more za vama, pa odaberite koje hoćete." U

nadiranju kroz Španiju,

iako s manjom vojskom, sukobio se s Roderikom. Roderikova vojska dala se u bjekstvo, a on se utopio u rijeci. 712. muslimani zauzimaju prijestolnicu Toledo. Tako je Španija, Endelus, postala nova pokrajina velike islamske države. Nakon osvajanja Španije, islamska se država protezala u Africi do Atlantskog gorja, u Evropi do Pirineja, a u Aziji do Indije i Kine. S kraja na kraj države taj put je iznosio 200 konaka.



Islamske teritorije od 632. n.e. do 850

napredovali prema Carigradu. U Africi je jedan muslimanski vojskovođa od Tripolisa do Tangera preuzeo od Bizantinaca sve gradove koje su ovi dotle držali.

Muslimanski uspjesi se nastavljaju za vrijeme vladavine Velida, sina Abdul-Malika (705. do 715. godine). U Velidovo vrijeme vrše se mnoga osvajanja. Namjesnik Horosana Kutejbe ratuje sedam godina protiv Turaka i Tatara. Zauzima Buharu i Semerkand, koji kasnije postaju žarišta islamske kulture. Za namjesnika Afrike Velid određuje Musa ibni Nusajra. U isto vrijeme upravitelj Tangera bio je



# Zem-Zem voda

Blagoslovljeni izvor vode Zem-zem se nalazi u matafu (mjesto gdje se obavlja tavaf) nedaleko od vrata Benu-Šejbe. Između njih i Hadžeru-l-Esveda je udaljenost je od 21 m. Voda Zem-zem je prema hadisima Allahovog Poslanika, sallallahu alejhi ve sellem, najbolja voda na svijetu. To je blagodat koju je Uzvišeni ukazao Ibrahimu, alejhisselamu, i njegovim potomcima. Zem-zem je jedan od Božijih znakova Njegove moći i milosti u Mekki. Melek Džibril, uzrokovao je njegovo pojavljivanje i u više navrata je Poslanikovo srce oprao tom vodom. Voda Zem-zem je ljekovita i hranjiva.

## Pojavljivanje zem-zem vode

Buharija je zabilježio predaju od Ibn Abbasa, radijallahu anhum, u kojoj kaže: "Prva žena koja je upotrijebila pregaču je Ismailova, alejhisselam, majka. Ona ju je uzela da bi njome od Sare prikrila trudnoću. Zatim je Ibrahim, alejhisselam, poveo nju i Ismaila, alejhisselam, koga je još došla, i ostavio ih kod današnje Ka'be, pod jednim velikim drvetom, iznad Zem-zema, u visini današnje Ka'be. Tada Meka nije bila nastanjena i tu nije bilo vode. On ih je tu ostavio, a pored njih je stavio torbu sa datulama i mješinu u kojoj je bila voda. Ibrahim, alejhisselam, se zatim okrenuo i pošao nazad, a Ismailova majka je pošla za


njim i upitala ga: "*Ibrahime, kuda ideš, i ostavljaš nas u ovoj dolini u kojoj nema žive duše, niti ičeg drugog?*" Upitala ga je to više puta, ali se on nije okretao prema njoj, pa mu je rekla: "*Je li ti to Allah naredio?*" "*Da*", rekao je. Ona je na to rekla: "*U tom slučaju, nećemo biti izgubljeni!*" i vratila se nazad. Ibrahim, alejhisselam, se udaljavao sve dok nije došao do jednog prevoja gdje ga nisu mogli vidjeti. Tu se okrenuo prema mjestu gdje će biti Ka'ba, podigao ruke i zamolio ovim riječima: "**Gospodaru naš, neke svoje**



**potomke sam naselio u dolini u kojoj se ništa ne sije, kod Tvoga Časnog hrama, da bi, Gospodaru naš, obavljali namaz. Zato daj da srca ljudi teže njima i opskrbi ih plodovima, da bi bili zahvalni.**" (Ibrahim 37). Ismailova majka je došla Ismaila, alejhisselam, i pila tu vodu. Kada je u mješini nestalo vode, ožednjeli su i ona i njen sin. Kada je vidjela kako se on previja od žeđi, ili je rekao: "prevrće", nije ga mogla više gledati, nego se okrenula prema Safi, najbližem brežuljku, pa se popela na njega. S njega se okrenula prema dolini ne bi li koga ugledala, ali nije vidjela nikoga. Zatim se spustila

sa Safe, i, kada je stigla na sredinu doline, zadigla je rub svoje haljine i potrčala kako čovjek u nevolji trči, dok nije prešla dolinu i došla do Merve, pa se popela i na nju. I odatle je pogledala ne bi li koga vidjela, ali nije vidjela nikoga. I to je sve ponovila sedam puta. Ibn Abbas, radijallahu anhum, kaže da je Poslanik, sallallahu alejhi ve sellem, rekao: "Zato ljudi trče između Safe i Merve (čine sa 'j')." Kada se zadnji put popela na Mervu, čula je neki glas, pa sama sebi rekla: "*Šuti!*" Zatim je osluhнула i ponovo čula neki glas, pa rekla: "*Čula sam te, pa možeš li mi pomoći?*" U tom momentu ugledala je meleka na mjestu gdje je Zem-zem, kako kopa svojom nogom, ili je rekao: "krilom", dok se nije pojavila voda. Ona je počela zagrađivati vodu, pokazavši rukom: "ovako" i grabiti vodu u mješinu. Svaki put kad bi zahvatila, voda bi šiknula. Ibn Abbas kaže da je Poslanik, sallallahu alejhi ve sellem, rekao: "Neka se Allah smiluje Ismailovoj majci, da je ostavila Zem-zem, ili je rekao: da nije zahvaćala vodu, Zem-zem bi bio jak izvor." Ibn Abbas dalje kaže: "Kada se napila vode i podojila dijete, melek joj je rekao: "*Nemoj se bojati da ćete biti izgubljeni! Na ovom mjestu bit će Allahov hram - Ka'ba, koji će sagraditi ovaj dječak i njegov otac. Allah neće dozvoliti da se izgube oni koji ga slijede.*"

El-Asr





# Nagradna igra

## KUPON ZA

### NAGRADNU IGROU

Vasi podaci:

IME: \_\_\_\_\_

PREZIME: \_\_\_\_\_

ADRESA: \_\_\_\_\_

BROJ TELEFONA: \_\_\_\_\_



Odgovori:

1. \_\_\_\_\_

2. \_\_\_\_\_

3. \_\_\_\_\_

U ovom broju nudimo čitaocima mogućnost da sudjeluju u nagradnoj igri i time dobiju šansu da osvoje jednu od tri skromne nagrade, a to su:

1. nagrada: knjiga «ODGOJ DJECE U ISLAMU»;
2. nagrada: DVD sa dva predavanja is Švedske;
3. nagradno iznenađenje

#### 1. Pitanje

Omer uze svoju sablju, opasa je oko sebe, pa krenu Muhammedovoj alejhisselam kući. Zakuca na vrata. Iz kuće proviri čovjek, pa ugleda Omera opasana sabljom. Vratu se unutra i obavijesti Muhammeda alejhisselam, a prisutni u kući se uznemiriše. Jedan od njih im reče: 'Šta vam je?' Rekoše: 'Omer!' On reče: 'Pa šta ako je Omer? Otvorite mu vrata! Ako je došao sa dobrim namjerama dočekat će mo ga, a ako je sa zlim, ubićemo ga njegovom sabljom... PITANJE GLASI: KO JE JUNAK KOJI JE OVAKO REAGOVAO NA DOLAZAK OMERA R.A.

#### 2. Pitanje


...Zato ona požuri pa stavi mahramu, stegnu svoju odjeću oko prsa, pa uze neki kolac i polahko se spusti do vrata na utvrđenju. Onda ih oprezno i bez buke otvori te poče pažljivo posmatrati neprijatelja. Kada osjeti da je došao najpogodniji čas za napad, ona skoči hrabro i odlučno i tako ga snažno udari kolcem da ga odmah sruši na zemlju. Onda ga udari i drugi i treći put, tako da ga brzo usmrti. Zatim hitro uze nož koji je nosila sa sobom pa mu odrubi glavu i baci je sa vrha utvrđenja. Glava se otkotrlja pravo pred ostale jevreje koji u podnožju bijahu u zasjedi iščekujući vijesti od svoga uhude. Kada vidješe glavu svoga druga rekoše: 'Sada smo se uvjerali da Muhammed nije ostavio žene i djecu bez straže!' Onda se brzo vratiše odakle su i došli... O KOJOJ SE ČASNOJ ASHABIJKI RADI?

#### 3 Pitanje

U kojoj rodbinskoj vezi su junak iz prvog pitanja i hrabra ashabijka iz drugog pitanja?


Vaše odgovore možete poslati do 20-06-2005 posredstvom kupona za ovu nagradnu igru na adresu S. Sibonjic, Rosener Manzstraat 51D 3026 TK Rotterdam, Nederland.

## Nanin kolač



U tijesto ide: 3 jaja, 9 kašika šećera, 9 kašika vruće vode i 9 kašika brašna, malkice praška za pecivo (trunčicu) i dvije kašike kakaoa. Ovo sve umutiti i staviti da se peče. Kada je kora gotova ohladiti je i zaliti sa 1,5 dcl agde. U žuti fil: 5 žumanjaka, 5 kašika šećera, 4 kašike brašna i 2 dcl mlijeka kuhati dok se ne zgusne. Kada se smjesa ohladi dodati margarin izrađen sa 3 vanilina secera. U bijeli fil: 5 bjelanjaka i 200 grama šećera dobro izmutiti. Koru mazati prvo žutim pa bijelim.

2005-06-20



ISLAMSKA ODJEĆA

Nudimo vam kvalitetnu islamsku odjeću  
za žene i muškarce po povoljnim cijenama!

**Kontakt:**


Mob.: 06-4908-6668  
E-mail: an-nisa@home.nl

- Ženski mantili
- Haljine
- Kompleti (bluza + suknja)
- Kompleti (bluza + hlače)
- Kompleti (tunika + suknja)
- Hidžabi
- Hidžabi za djecu
- Razna muška islamska odjeća
- Kape, mirisi, misvaci itd.

**Hidžra vam nudi**

po povoljnim cijenama bogat izbor  
knjiga kao i audio-  
video materijala

Neki naslovi







# Džemat "KEWSER" Linz



## AUDIO STUDIO



**PREDAVANJA, UČENJE KURANA, ILAHIJE, ...**



- snimanje
- obrada
- emitovanje
- distribucija

## AUDIO izdanja



**PREDAVANJA, UČENJE KURANA, ILAHIJE, ...**



- Audiokasete
- CD
- MP3
- Kompleti

## VIDEO STUDIO



**DOKUMENTACIJE, FILMOVI, PREDAVANJA, ...**



- snimanje
- obrada
- emitovanje
- distribucija

## VIDEO izdanja



**DOKUMENTACIJE, FILMOVI, PREDAVANJA, ...**




- VHS
- S-VHS
- VCD, S-VCD
- DVD

## KNJIGE iz svih oblasti islama



- priprema
- recenzija
- obrada
- štampa
- distribucija

## !! NOVA IZDANJA !!



**05.- 08. čas**



**5. - 8.**

## USKORO

**Predavanja sa Hadždža na Audio i DVD.**



posjetite nas na

**www.kewser.net**